

110X
15
1

地

南浦語錄

全



日本國建長寺明禪師
語錄叙

吾佛以教外別傳之旨
付大迦葉廿八傳至菩提
提達摩當梁武帝時來
中國以無上心印授可



大師而中國始有禪宗
自後派別支分彌布華
夏唐宋之間號為極盛
曰本國遠在大海之東
雖自唐以珠若空海最
澄奮然宗照之流但珠

中國傳教乘而已至宋
南度十光禪師榮西者
珠叅天童虛菴故公得
禪學以歸曰本之有禪
宗則自西公始而覺阿
珠叅靈隱瞻堂遠公妙

悟心要亦言彼國未有
禪學由是而言則西與
阿蓋同時云厥後學禪
自中國而歸者不可勝
計至今彼國禪宗大盛
凡藪林典禮一放中國

之制茲讀建長寺圓通
大應國師明公語錄信
然公得徑山虛堂愚公
之道歸化其國四遷名
刹大敷玄旨學徒駢集
而王公賢人入室問道

者甚衆蓋其履踐真實
開示學者之語簡古嚴
整無毫駮虛偽真一代
宗師也簷乎中國之於
曰本同在閭浮提之內
同一天地同一日月難

有山海之限而人物性
情與夫所得道德之懿
其有不同者乎觀公之
言行卓異如此古人所
謂何地無才良有徵矣
三復感歎乃叙其錄之

首洪武八年倉龍卯
五月十有九日戊寅天
界善也禪寺住持天台
釋宗泐叙



圓通大應國師初住莒州早良縣興德禪寺語錄

侍者

祖照

等編

師文永七年十月二十八日入寺

山門無門之門了無遮護若是真正道流這裏便進
一步彈指一下

佛殿德嶠韶陽只見錐頭利不見鑿頭方新興德別
有條章山門頭合掌佛殿裏燒香

據室百千諸佛不出這裏且道這裏是什麼所在卓
拄杖一下

拈衣佛佛授手祖祖相傳畢竟傳底是什麼舉衣云
看看歡喜受之頂戴披之

法座八面四方通霄活路要行便行要坐便坐須彌
燈王也須退隨

師陞座拈香云此一瓣香爇向爐中恭爲祝延

今上皇帝聖躬萬歲萬歲萬歲陛下恭願堯天等
覆舜日普臨四海歸仁萬邦拜手

此香曾在凌霄峰頂無心之中忽然拾得今日人天

普會不敢囊藏爇向爐中供養前住大宋徑山興聖

萬壽禪寺虛堂和尚大禪師用酬法乳

師斂衣就座乃云望刹竿便回正在半途見招手橫

趨猶隔江在何況棒頭領旨喝下承當萬里崖州未

爲遠在所以道向上一路千聖不傳未曾親近早隔

大千與麼告報盡法無民退身五步如何相見乃豎

拂子云還見麼霜花和月冷梅雪帶煙寒若向這裏

見得徹去皇恩佛惡一時報畢其或未然切忌喚鐘

作窳叙謝不錄

復舉保壽開堂公案師拈云大衆要知二大老落處

麼象王回顧師子頻呻凜凜神威誰敢近傍雖然如

是點檢將來總被這僧勘破且道那裏是他勘破處

具眼者辨取

當晚小參德山小參不答話寰中天子勅趙州小參

要答話塞外將軍令二老漢等閑一撥一挨自然風

行草偃太平得路然雖如是不可重行此令今夜只

據自家有一條活路子共汝諸人同行一步宜在杖
一下

復舉僧問香嚴如何是直截根源處嚴擲下拄杖歸
方丈師云若論直截早是紆曲了也古人即且置而
今合作麼生云天寒久立珍重

次日謝兩班上堂衲僧家一動一靜無非活路退一
步踏著瞿曇眼晴進一步築著達磨鼻孔只如不退
不進又且如何良久云吹毛元不動徧界鬪體寒
冬至小參法法本來法日日杲日麗天心無別心
處處清風匝地便恁麼會去釋迦不用出世達磨不
必西來人人分上聳立萬仞箇箇面前飛大寶光一

念萬年萬年一念飢來喫飯困來即眠誰管陰陽代
謝四序變遷說甚滴水冰生天寒人寒雖然恁麼去
猶是尋常行履畢竟向上如何顯露擊拂子云冬不
寒臘後看

復舉古德云要識佛性義當觀時節因緣時節既至
其理自彰今當書雲今節且道彰底理又作麼生擊
拂子云一陽生萬彙生

次日上堂一言道盡崖崩石裂一著當機頭頭漏泄
洞山菓子瀉仰家風陳年滯貨不用施設畢竟今朝
如何可說卓慧杖云時哉時哉一陽復來家家開熱
上堂舉趙州卧雪中云相救相救時有僧便來趙州

身邊卧州便起去師云這僧雖然救得趙州爭奈得便宜處落便宜道那裏是他落便宜處具眼者辨上堂舉僧問趙州如何是道州云墻外底僧云不問這箇道州云你問那箇道僧云大道州云大道透長安師頌曰分明指示處覲面不相謾大道如弦直行人自作難

上堂舉僧問鏡清如何是佛法之源清云從這裏流出師云大衆流出則不問且道這裏是什麼所在擊拂子云諸人若也會得四海浪平百川潮落

上堂山僧在早良縣裏開箇小小茆香皂角鋪子爭酬競買者不道全無只是罕有價數相當者今朝臘

月十五未免折本賣與諸人去也卓拄杖云有利無利不離行市

臘月二十五日上堂雲門有一曲臘月二十五流落幾多年今日重新舉重新舉巢知風穴知兩

歲夜小參高懸寶鑑列萬象於目前橫按鎮鄒截群機於量外蓋天蓋地透色透聲卷舒在我殺活臨時把定放行全歸掌握所以衲僧家說到行不到處行到說不到處千變萬化七縱八橫亂却六十甲子抹過七十二候不爲分外雖然如此今夜且放過一著臘盡依舊還他春回何故也要諸人順時保愛復舉北禪烹露地白牛公案師拈云北禪老師恁麼

按排可謂是富貴興德家貧無許多按排只據現定
與諸人分歲雖煞教汝諸人快活不徹何故卓拄杖
云獻佛不用香多

歲且上堂卓拄杖云一處透而處處透一處真而處
處真畢竟如何見得又卓拄杖一下云元正啓祚萬
物咸新

元宵上堂以拂子打圓相云點這一燈燈燈即明森
羅萬象無處逃形若也覆盆之下爭性得山僧良久
云且道那一燈

上堂馬祖陞堂百丈卷帝風塵草動便知來由好大
衆衲僧家須是恁麼始得一等是箇般時節切忌開

眼瞌睡便下座

佛涅槃上堂不住涅槃一片心無端賣弄紫金身至
今醜惡難遮掩狼籍年年桃李春

三月且上堂說禪說道談妙談玄好肉剜瘡畢竟如
何常憶江南三月裏鷓鴣啼處百花香

上堂春日晴黃鶯鳴春風浩浩春水泠泠妙德空生
都不會善財走得太忙生

上堂舉真淨和尚示衆云頭陀石被莓苔裹擲筆峰
遭薜荔纏羅漢院裏一年度三箇行者歸宗寺裏參
退喫茶師拈云真語者實語者不妄語者所以興德
依而行之大衆下座巡堂喫茶

浴佛上堂衲僧家尋常高揖釋迦不拜弥勒因甚今日特地調和香湯灌沐金軀三尺一丈六且同携手歸

結夏小參雲山蒼蒼成見圓覺伽藍海水泱泱全彰平等性智燈籠露柱狸奴白牯若九若聖情與無情同此結制安居無有平等無平等者一夏九十日內經行及坐卧常在於其中然後山僧不入這保社行是自行坐則自坐何故不是時人難共住大都緇素要分明

復舉古德云若是全舉宗乘汝等諸人向甚處領會所以古今獨露隱顯無方拈云依稀似曲纔堪聽又

被風吹別調中

次日上堂興德一衆雖是不多箇箇頂天履地人人鼻直眼橫說甚三月安居九旬禁足畢竟如何南地竹北地木

上堂乾峯和尚示衆云法身有三種病二種光一一透得始是穩坐雲門大師出衆云庵內人因甚不見庵外事師拈云韶陽老人也是隨邪逐惡當時只是冷笑一聲管取乾峯隱身無路

端午上堂諸方今日不說善財採藥便說東山神符以爲佛事只是興德門下渾無可說何故家無白澤之圖妖性自然消滅滅滅長安夜夜家家月

上堂結夏已經一月山僧日日業識茫茫無本可據
未曾與兄弟說著本分事且道本分事作麼生說良
久云今日大熱且行別時

中夏上堂九旬已過半也諸人自合知時寒時寒殺
闍梨熱時熱殺闍梨切忌當面諱却空度光陰更恨
阿誰

七月且上堂一葉落天下秋一塵起大地收未言先
知猶是鈍漢未舉先領不是俊流何故定光招手智
者點頭

解夏小參一結結定針劄不入一解解開處處通方
東去也得西去也得說甚萬里無寸草淨地却迷人

誰管出門便是草眼睛流出血恁麼恁麼大地踏翻
信脚行不恁麼不恁麼橫擔擲栗舞秋風雖然如是
興德拄杖子猶未放過在何故吾王庫內無如是刀
復舉臨濟無位具人話雪峯語舉了師拈云白拈未
白拈即且置若是無位真人非但面門出入要見麼
擲下拄杖喝云元來只是拄杖子

次日上堂布袋口打開徧界有路通露柱燈籠一一
眼活狸奴白拈各各心空汝等諸人因甚更來這裏
低頭接耳叉手當曾可煞不知向背不辨西東忽有
箇出來道長老不可壓良爲賤也恠他不得何也西
風一陣來落葉兩三片

中秋上堂秋聲日高秋水澄清秋風颭颭秋月圓明
畫又畫不就描又描不成不是王老師誰能拂袖行
上堂秋風吹八極木落露千山見成公案達磨不識
六祖不會大難大難便下座

開爐上堂火焰為三世諸佛說法人貧智短三世諸
佛立地聽馬瘦毛長更有一句子且去煖處商量

虛堂和尚忌日拈香以香打圓相云只這箇是什麼

沒巴鼻有來由楊岐頂上拳鎮州蘿蔔頭便揀香

上堂南來者三十棒北來者三十棒梁山徹骨貧窮
亦能濟人興德雖然有棒不曾動著何故黃金自有
黃金價終不和沙賣與人

十一月旦上堂明招風頭稍硬公案師拈云明招老
漢欲以斯道覺斯民囓之又囓是則是矣興德則不
然者裏風頭稍硬切忌商量

冬至小參璿璣未動時道得一句鐵樹開花朕兆纔
分處轉得一機冰河發焰直得嘉州大象滿面生光
陝府鐵牛通身汗出洞山菓子又見一番新皓老布
裩依舊赫赤雖然如是若也向上全提冬至到寒食
更有一百五在何故當頭霜夜月任運落前溪

次日上堂一冬二冬又手當曾達磨不會隻履忽忽
寒山撫掌呵呵大笑何故海水知天寒枯桑知天風
除夜小參古往今來日上月下一年十二月月一

中秋上堂秋聲日高秋水澄清秋風颭颭秋月圓明
畫又畫不就描又描不成不是王老師誰能拂袖行
上堂秋風吹八極木落露千山見成公案達磨不識
六祖不會大難大難便下座

開爐上堂火焰為三世諸佛說法人貧智短三世諸
佛立地聽馬瘦毛長更有一句子且去煖處商量

虛堂和尚忌日拈香以香打圓相云只這箇是什麼

沒巴鼻有來由楊岐頂上拳鎮州蘿蔔頭便揀香

上堂南來者三十棒北來者三十棒梁山徹骨貧窮
亦能濟人興德雖然有棒不曾動著何故黃金自有
黃金價終不和沙賣與人

十一月旦上堂明招風頭稍硬公案師拈云明招老
漢欲以斯道覺斯民囓之又囓是則是矣興德則不
然者裏風頭稍硬切忌商量

冬至小參璿璣未動時道得一句鐵樹開花朕兆纔
分處轉得一機冰河發焰直得嘉州大象滿面生光
陝府鐵牛通身汗出洞山菓子又見一番新皓老布
裩依舊赫赤雖然如是若也向上全提冬至到寒食
更有一百五在何故當頭霜夜月任運落前溪

次日上堂一冬二冬又手當曾達磨不會隻履忽忽
寒山撫掌呵呵大笑何故海水知天寒枯桑知天風
除夜小參古往今來日上月下一年十二月月一

般一日十二時時時相似見成公案迴絕按排德山
有棒無下手處臨濟有喝無開口分山僧與麼告報
別也無他只要諸人知時知節不泐化機自行一條
活路子然後與之把手共行其或未然明年更有新
條在惱亂春風卒未休

復舉東村王老夜燒錢公案頌云東村王老夜燒錢
歲晚年年事不遷若向箇中求指的新羅鷄子過天
邊

上堂舉僧問香林如何是祖師西來意林云坐久成
勞師拈云大衆切忌動著動著則禍生何故白玉無
瑕彫文喪德

上堂臨濟因問院主曰什麼處來云州中糶黃米來
濟以拄杖劃一劃云還糶得這箇麼主便喝濟便打
須臾典座來濟舉前話座云院主不會和尚意濟云
你作麼生會座作礼濟亦打頌云桃李無言相映開
紅紅白白自何來忽然一陣春風惡狼籍園林點綠
苔

拽佛殿上堂雲門大師示衆云和尚子莫妄想山是
山水是水時有僧出云某見山是山水是水時如何
門云佛殿因甚從這裏過僧云恁麼則不妄想去門
云還我話頭來師拈云然則易開始終口難保歲寒
心這僧當時才聞他雲門道佛殿因甚從這裏過但

云應當如是不唯表顯自己光明亦乃覲破雲門脚

跟佛涅槃上堂佛身充滿於法界普現一切群生前豎

起拂子云這箇是拂子佛身在什處諸人若向這裏

著得一隻眼便見靈山一會儼然未散其或遲疑古

佛過去久矣三月半上堂正法眼涅槃心頭顯露不用追尋陌

上桃花都落盡黃鶯啼在綠楊陰

法堂前剷除青草布白沙上堂若是一向舉揚宗乘

固是法堂前青草離離未免咬定牙關放一線道去

也卓拄杖云只這些兒得人憎亘古亘今無變易嚙

無端撒沙撒土了靠拄杖下座

浴佛上堂未離都率已降閻浮天高東南未出母胎

度人已畢地傾西北恁麼會得黃面老子豈但今日

始降生如其未然興德又費一杓惡水去以拂子作

潑水勢云看看我今灌沐諸如來結夏小參以大圓覺為我伽藍天網恢恢疎而不漏

身心安居平等性智十方刹海包括無遺衲僧做盡

伎倆自謂有多少奇特殊不知總跳這二千年前影

子不得興德恁麼道莫有放不過底麼出來掀倒禪

林喝散大眾如無高掛鉢囊拗折拄杖長夏之中不

得向外打之遶何故擊拂子云趙州東壁掛胡蘆

復舉天平到西院公案師拈云天平當時才聞西院
道上座錯西院錯但云錯待西院撥開口拂袖便行
不惟塞斷西院口頭亦乃免見諸方檢責

結夏上堂雲門示衆云聞聲悟道見色明心師云築
著磕著無處回避觀音菩薩買胡餅放下手元來是
饅頭師云只這些子說話多少人妄生卜度殊不知
兔馬有角牛羊無角會得展眸終一夏不然更有九
旬禁足在

上堂古者道結夏已十日也水牯牛作麼生又云結
夏已十日也寒山子作麼生抑逼人作麼興德則不
然結夏已十日也但是飢喫飯熱乘涼且恁麼過時

何故智者見之謂之智仁者見之謂之仁

端午上堂今朝五月端午不用桃符艾虎兔角拄杖
龜毛拂子覲面全提佛病祖病俱拈却魔孽妖怪都
掃盡正恁麼時畢竟如何出頭天外看誰是我般人
上堂舉僧問六祖黃梅意旨什麼人得祖云會佛法
人得和尚還得否不得因甚麼不得我不會佛法師
拈云既是不會佛法因甚作祖師會麼此地無金二
兩俗人沽酒三升

上堂今朝六月一那事本見成水上青青綠元來是
浮萍

太宰府萬年崇福禪寺語錄

侍者

慈禪

等編

師於文永九年臘月二十五日入院

山門山橫翠壁水出高源解脫門開大眾歸去來歸
去來

佛殿廊三斤殿裏底狹路相逢卒難回避掉香云還
見廢若也遲疑古佛過去久矣

方丈德山棒臨濟喝這裏一時倚閣靠拄杖云大坐
當軒壁立萬仞你等諸人擬向甚麼處相見叫叫且
居門外

法座向上一路滑壁立萬仞嶮且道如何進步舉脚

云看看因行不妨掉臂

拈香云此一瓣香根盤在空劫以前葉生於威音那
畔曾在早良縣裏興德禪寺拈出一番熏天炙地今
日人天普會未免重新拈出供養前住大宋徑山虛
堂和尚大禪師用酬法乳之恩

師跌座乃云道遠乎哉嶺頭雲淡淡聖遠乎哉欄下
水泠泠須知瞿曇日日出現達磨時時西來靈山一
會何異今日少室家風正在此時便見佛日增輝乘
風永扇世出世間能事云畢然雖如是與麼告報也
是應箇時機若是向上全提遠之遠矣何故青山不
鎖長飛勢滄海合知來處高

復舉張無盡相公請玉泉皓老開堂陞座云君不見
君不見無盡云見皓老便下座師拈云恁麼事過恁
麼人拈出故是且道無盡相公云見畢竟見箇甚麼
若也會得明上座今日開堂功不浪施其如未然切
忌妄通消息

當晚小參法無定相遇緣即宗立處皆真隨方作主
離興德到崇福莫非其緣建法幢立宗旨不擇其處
直得風清六合月明四海頭頭合轍應用無虧所以
道要知佛性義當觀時節因緣時節既至其理自彰
時節則諸人共知且道彰底理又作麼生良久云吾
無隱乎爾

上言

人崇

十三

復舉僧問雲門如何是雲門一曲閉云臘月二十五
師拈云黃鍾大呂陽春白雪固是古今絕唱明上座
今夜試唱一曲看拈拄杖卓一下云意隨流水遠聲
過暮雲寒且道與故人相去多少

上堂崇山家風別無奇特黃葉滿庭際野鹿叫林坳
雖然如是祖意教意闔捩得恰好且道以何見得具
眼者辨取

上堂三九二十七籬頭吹簟虜三世諸佛不知有狸
奴白牯却知有阿呵呵會也麼這裏風頭稍硬且歸
暖處

除夜小參年窮歲盡瞿曇眼睛突出臘盡春回達磨

鼻孔崢嶸開眼也著合眼也著舉步踏著伸手觸著
築著磕著填溝塞窟頭頭顯露處處逢渠恁麼也得
不恁麼也得恁麼不恁麼總得山僧與麼告報忽有
人聽得出來道我會也我會也崇福低低地向他道
謝三娘秤金

復舉僧問古德如何是不遷義德云城上已吹新歲
角窻前猶點舊年燈師拈云古德恁麼道放行處把
定把定處放行猶未得勦絕在崇福即不然如何是
不遷義只向他道舊歲今宵盡新年明日來

歲且上堂僧問五葉花開瑞色新挽回千古少林春
正與麼時願聽提唱師云雲淨日月正雲消天地春

五言

一

進云恁麼則一氣不言含有象萬靈何處謝無私師
云好箇消息進云記得僧問鏡清新年頭還有佛法
也無清云有意旨如何師云山青水綠進云如何是
新年頭佛法清云元正啟祚萬物咸新如何委悉師
云現成公案進云僧又問明教新年頭還有佛法也
無教云無有何道理師云天高萬象正進云僧云年
年是好年日日是好日為甚麼無教云張公喫酒李
公醉又作麼生師云東山拍手西山舞進云鏡清道
有明教道無莫有優劣麼師云一有多種二無兩般
進云若有人問和尚新年頭有佛法也無未審和尚
如何祇對師云借婆裙子拜婆年進云上來已蒙師

指示向上宗乘又若何師云須臾頂上擊金鐘僧便
禮拜

師乃云勸新日月特地乾坤佛祖大機衲僧巴鼻恒
沙福智無量妙用從者裏頓發何故卓拄杖一下云
元正啟祚萬物咸新

元宵因講經上堂僧問心徑苦生坐在迷魂之地燈
影裏行朝打暮打離却二途請師相見師云出頭天
外看僧云只如終日道火不燒口莫是名實不相當
麼師云指桑罵柳僧云恁麼則樓臺上下火照火車
馬往來人看人師云只道得一極僧云記得古德云
火焰為三世諸佛說法三世諸佛立地聽未審火焰

說甚麼法師云明皎皎暗昏昏僧云三世諸佛如何
聽師云聽者方知僧云學人還得聽麼師云你無分
僧云誰得聽師云露柱燈籠僧禮拜又僧問梅花衝
雲發黃鶯轉柳梢箇是現前三昧請師別舉揚師云
向上會取進云記得僧問趙州如何是祖師西來意
州云庭前栢樹子此意如何師云松直棘曲進云僧
云和尚莫將境界示人州云老僧不將境界示人僧云如
何是祖師西來意州云庭前栢樹子又如何師云不
是苦心人不知進云西來意且置如何是栢樹子師
云青青不入時人意僧禮拜

師乃云以燈傳燈燈燈相續放光動地動地放光所

以道今佛放光明助發實相義放光明則且置如何
是實相義卓拄杖一下花開不假栽培力自有春風
管待伊

上堂佛祖大機全歸掌握人天性命總在這裏把定
則乾坤失色放行則瓦礫生光把定放行則且置如
何是佛祖大機人天命脉豎起拂子云見麼見麼認
著依前還不是參

佛涅槃上堂以手摩曾弄精魂雙趺示出累子孫西
天此土二千載撼得毗盧海岳昏

三月半上堂春山青春光美春鳥啼春風春魚弄春
水左顧右盼無可不可東行西行無是不是雖然如

是卓拄杖一下云莫過於此

浴佛上堂僧問鐵壁鐵壁号之曰佛常在苦海中立只如今日降生底是苦海中立底是師云二俱不是僧云天上天下唯我獨尊師云也是草裏漢僧云雲門捧頭短藥山杓柄長還有報恩分麼師云知恩方解報恩僧云遵布納浴佛水浸江石卵此意如何師云未曾浴得他僧云佛未出世時如何師云天高日月正僧云出世後如何師云清風匝地僧云出世不出世則且置即今佛在什麼處師云看脚下僧禮拜又僧問世尊初生下指天指地周行七步云天上天下唯我獨尊此意如何師云為眾竭力僧云雲門

云我當初若見一棒打殺與狗子喫貴圖天下太平意在什麼處師云未曾打着他影子僧云雲竇云我當初若見便與掀倒禪牀又如何師云劒去久矣僧云二大老用處是同耶是別耶師云俱出隻手扶豎門戶僧云上來一一蒙指示向上宗乘又如何師云金烏急玉兔速僧禮拜

師乃云佛身充滿於法界普現一切群生前諸人要見釋迦老子麼開眼也著合眼也著尚自遲疑少間詣大佛殿一杓惡水向什麼處著結夏小參崇福山高到得頂顛猶涉途在澗泉水急探得淵源猶滿脉在若是眼蓋乾坤皮下有血見山

不是山見水不是水掀翻圓覺伽藍不住平等性智
不與千聖同途自行一條活路子方乃見山是山見
水是水頭頭是圓覺伽藍物物即平等性智狸奴白
拈露柱燈籠若聖若凡情與無情同此結制安居不
為分外其或未然雲在嶺頭閑不徹水流欄下太忙
生

復舉梁山和尚示衆云南來者三十棒北來者三十
棒公案師拈云梁山老漢恁麼垂示也是費力不少
崇福即不然南來者北來者一等教他明窓下按排
何故彼此出家兒

五月旦上堂舉一不得舉二放過一着落在第二公

案師拈云檀拍板無孔笛狹路相逢而今諸方隨語
作解者只管論一二豈曾夢見二大老落處今五月
初一不妨山前山後三三兩兩看山翫水且道放過
耶不放過耶

端午上堂今朝五月五不用咒土書巖崇福有一道
真言纔舉一返吉無不利 薦拈拄杖卓一下云且道
華言梵語劈箭機前急薦取

舉慧山知炬和尚看經次有僧問不掛元字脚何得
多學炬云文字性異法性體空迷則句句瘡疣悟則
文文般若若無取捨何害圓伊師拈云慧山和尚也
是取捨之心未忘崇福則不然或有人問不掛元字

脚何得多學只向他道句句真如文文般若教他別有生誰

半夏上堂九夏過半無事不辨開單展鉢喫粥喫飯收得北番東西自安且道以何為驗良久云後五日看

六月十五日兵火後上堂馬祖喝下龕百丈黃檗棒頭活臨濟以德服人者王以力假人者霸崇福者裏不屬這兩邊何故良久云鷗弓已掛狼煙息萬里歌謠賀太平

七月且上堂涼飈乍起葉初隨時節因緣不相饒若是當陽薦得去何妨分外任逍遙或有人出來道時

節因緣即且置如何是佛法大意只向他道覓火和煙得擔泉帶月歸

解夏小參二千年前風清月白二千年後月白風清幸自無瘡莫傷之也若論結制解制隨邪逐惡禁足護生無繩自縛所以崇福這裏四月十五也與麼不敢錯誤諸人一絲毫許七月十五也與麼亦不動諸人一絲毫許諸人若向佛祖未生以前會得又何妨晝兜率夜闍浮脚頭到處是生涯其如未然迦葉門前有刹竿

復舉僧問雲門樹凋葉落時如何門云體露金風師頌云體露金風處處同時人空自走西東可憐只見

八
崇禎
五
蘆花色不見白蘋對蓼紅

八月旦上堂僧問參須實參悟須實悟如何是實參
師云參可始得僧云如何是實悟師云悟可始得僧
云轉凡夫作賢聖抑賢聖作凡夫則不無和尚師云
更有一著在僧云記得仰山謂香巖云如來禪許師
兄會祖師禪未夢見在此意如何師云言中有響僧
云如何是如來禪師云鷄足山前風悄悄僧云如何
是祖師禪師云少室峯下雪猶寒僧云如何是和尚
禪師云還覺腦門重麼僧禮拜

師乃云蟬鳴高樹蛩吟草底槿花凝煙白露垂珠從
來無法商量只要現成受用大衆還委悉麼良久云

種田博飯喫伸脚牀上睡

浴佛上堂僧問佛未出世時爲甚靈山有密旨師云
天是天地是地僧云佛已出世後爲甚杳無消息師
云指天指地狼籍不少僧云出世不出世則且置即
今佛在甚處師云高著眼看僧云爭柰金屑雖貴落
眼成翳師云莫將眼看僧云只如雲門道一棒打殺
與狗子喫是何心行師云家富小兒嬌僧云今朝大
家出手灌沐金軀爲復是報恩爲復是酬怨師云不
是怨家不聚頭僧便禮拜

師乃云降下閻浮誕生王宮九龍吐水灌沐金軀至
今千古雨洗風磨金容妙相增光輝照天鑑地有何

極命根落在崇福手一杓惡水薰頭澆何故齊之以

禮

結夏小參南瞻部洲大日本國筑州太宰府裏橫岳
山中有一座清淨伽藍大包剎海細入隣虛若聖若
凡有情無情盡在裏許結制安居九十日內要行便
行須弥那畔大洋海底一時走徧二六時中要坐即
坐東弗于提西瞿耶尼盡十方世界直下坐斷正恁
麼時汝等諸人向甚麼處出氣雖然如是有時把定
有時放行卷舒在我殺活臨時今夜教你一一出氣
去也拈拄杖卓兩下云會麼頂門眼通天竅

復舉東京法雲泉和尚示衆云老僧熙寧三年文帳

在鳳翔府供申當年崩了華山四十里歷倒八十村
人家汝輩後生茄子瓠子幾時知得師拈云高山流
水只貴知音可惜當時一衆無人賞音若是明上座
才聞恁麼道拍手呵呵大笑何故詩向會人吟

次日上堂十五日以前天高東南十五日以後地傾
西北正當十五日天是天地是地僧是僧俗是俗說
甚三月安居九旬禁足向這裏畢竟如何通箇消息
盡拂子云薰風自南來微涼生殿閣

上堂舉僧問智門蓮華未出水時如何門云蓮華僧
云出水後如何門云荷葉師拈云崇福即不然蓮花
不出水時如何水是水出水後如何蓮華是蓮華崇

福憇麼道還知落處麼無風荷葉動決定有魚行
七月且上堂僧問舉一明三尋常茶飯只如聲前一
句如何分縑素師云一葉落天下秋僧云憇麼則不
勞懸石鏡天曉自分明師云只道得一半僧云記得
長生問靈雲混沌未分時如何雲云露柱懷胎意旨
如何師云無孔鐵鎚當面擲僧云生云分後如何雲
云如片雲點太清又如何師云一賽兩彩僧云生云
太清還受點也無雲不答有何道理師云善龍行處
草不生僧云生云與麼則含生不來雲又不答如何
委悉師云坐斷要津僧云生云直得純清絕點時如
何雲云尚是真常流注意在何處師云痛處下針錐

僧云生云如何是真常流注雲云似鏡長明如何理
會師云山河不在鏡中觀僧云生云向上還有事也
無雲云有生云如何是向上事雲云打破鏡來與你
相見還端的也無師云破鏡不重照僧云古人請訛
處和尚已許露和尚請訛處未審何人點檢師云衆
眼難瞞僧云憇麼則此話大行天下去師云一任舉
似諸方僧云作家宗師天然有在便禮拜

師乃云葉落知秋動絃別曲未當初僧本分事且道
如何是初僧本分事崇福直得無開口處雖然如是不見雲中鴈爭知沙塞寒

解夏小參暑退涼生樹彫葉落全彰古佛家風成現

衲僧巴鼻蹉過者千千萬萬錯會者萬萬千千若是
未言先領未舉先知方始有少分相應猶未是全機
作略有般漢以十二時作一日以九十日作一期坐
守安居大似緣木求魚刻舟尋劍崇福今夜忍俊不
禁別通一條活路子良久云住住若教頻下淚滄海
也須乾

復舉雲門示衆云乾坤之內宇宙之間有一寶祕在
形山師拈云此寶非但在形山崇福今夜盡情拈出
普施大衆九夏賞勞薰拈拄杖擲下云大家平分
次日上堂烏兔不停時臨自忘九十日內不曾說者
底一句子分明與諸人說破去也卓拄杖云勸君盡

此一盃酒西出陽關無故人

中秋上堂僧問天上月圓人間月半是人知有未審
中間樹子屬何人師云從來有主人在僧云恁麼則
天香桂子落紛紛師云見者還稀僧云馬祖說月次
問西堂云正與麼時如何堂云正好供養意旨如何
師云且隨光影僧云祖問百丈文文曰正好修行又如
何師云簷前捧月僧云祖又問南泉泉拂袖便行意
在那裏師云因行揖辭僧云祖曰經歸藏禪歸海只
有普願獨超物外畢竟如何師云年苦心孤僧云當
時若見馬祖云正與麼時如何和尚如何祇對師云
便與一掌僧禮拜

師乃云南泉驟步便行鼓山拂袖歸眾寒山子馬駒
兒總未出光影裏且道畢竟月尊惡道乎錯下名言
上堂崇福門下百事隨宜遇飯喫飯遇茶喫茶寒山
向火困即打眠左之右之無可不可德山臨濟不出
常流却憶寒山子無言笑點頭

達磨忌上堂少室山下雪寒冰苦能耳峯前月冷風
高因憶普通年遠事鐵作心肝也斷腸

虛堂忌日拈香世界未分生佛未具早有這箇重天
炙地從上佛祖得這些子競頭出來貴買賤賣大驚
小恠崇福一年一度每臨諱日特地拈出熏這老和
尚鼻孔銚置一上何故行拳須有喫拳時

冬至小參崇福山前戒岸寺後有一物杲杲明如日
漫漫黑似漆上拄天下拄地不離目前全超象外不
逐陰陽消長豈同寒暑變遷所以道萬象之中獨露
身唯人自肯乃方親諸禪德朝朝暮暮來來往來幾
般看見幾迴撞著滿眼滿耳無處迴避因甚不知落
處良久云吾常於此切

復舉慈明和尚冬日誇示僧堂前作此相。二二二
一几 裊袖若人識得不離四威儀中首座一見乃謂
眾云和尚今日放參師拈云天神一見歸天地神一
見歸地者箇則且置首座一見云和尚今晚放參又
作麼生良久一百單五近清明清明定在寒食後

次日一堂畧運推移日南長三石笋抽條鐵樹生花
老胡不合過流沙

上堂舉五臺山下有一婆子接待九有僧問臺山路
甚麼去婆云暮直去僧才去婆云好箇師僧又與麼
去如是既久游僧傳到趙州和尚聞得乃云待老僧
為汝去勘破州往便問臺山路向甚麼處去婆云暮
直去州不行又云好箇師僧又與麼去州回陞座云
婆子已為諸人勘破了也師頌云發動煙塵箇老婆
趙州一語定干戈從茲四海清如鏡贏得將軍奏凱
歌

上堂僧問雲門有三句還許客參也無師云大海不

讓細流僧云如何是函蓋乾坤句師云天高蓋不盡
僧云如何是隨波逐浪句師云十字街頭破草鞋僧
云如何是截斷衆流句師云水中江石外僧云恩大
都無語懷抱自分明師云分明記取僧便禮拜
師乃云嶺上多白雲澗下足流水寒月照虛庭霜風
動林底一切成現更無欠少崇福恁麼道開口不在
舌頭上因甚如是虎體元斑

上堂僧問三通鼓罷四衆臨筵學人上來請師提唱
師云秋雲秋水共悠悠僧云恁麼則群生霑恩去師
云何人不恁麼僧云趙州訪一庵主云有麼有庵主
豎起拳頭州云水淺不是泊舟處意旨如何師云鵝

王擇乳元非鴨類僧云州又訪一庵主云有麼有麼
主豎起拳頭州便禮拜讚歎如何委悉師云一手擡
一手擡僧云問答已一般爲甚肯一人不肯一人師
云離却兩頭會取僧云若有人問有麼有麼未審和
尚如何祇對師云劈脊便打僧便禮拜
師乃舉僧問百丈如何是奇特事丈云獨坐大雄峯
百丈和尚善應來機是則是矣崇福即不然若有人
問如何是奇特事只向他道主山高案山低
上堂鐘作鐘鳴鼓作鼓響十分現成處還我衲僧家
雖然如是因甚鉢盂口向天若也知得分曉一任長
連牀上喫粥喫飯

東福開山聖一和尚忌日陞座掩關於摩竭藏身露
影杜口於毗耶掩耳偷鈴自尔西天四七東土二三
承虛接響一人傳一人盪蕩不止至於滔天因茲我
日本國洛陽東山東福開山聖一和尚事不獲已出
來播揚宗乘四十餘年正按傍提橫該堅抹千變萬
化七縱八橫頭合轍應用無虧度盡一切有情無
情暮忽時節到來翻身而去電影難追佛祖不知雖
然如是未是東福老漢真實行履處且道如何是真
實行履處良久云日面佛月面佛

復舉巖頭問德山從上諸聖向甚麼處去山云作麼
作麼覷面當機疾當機覷面提頭便禮拜燒磚打著

連底凍只如東福開山老師遷化之後四十九日畢
竟向甚處去擊排子云紅輪決定沈西去白雲依舊
覆青山

上堂衲僧用處如水行地東行西流無不可不可七穿
八穴無是不是諸天尋覓無路魔外潛覩不見何故
如是達磨不識六祖不會

三月且上堂僧問三月初一花紅柳綠現成公案如
何商確師云春日遲遲春光美僧云靈雲曾道自從
一見桃花後直至而今更不疑那裏是他不疑處師
云桃花依舊笑春風僧云已是不疑玄沙因甚道敢
保老兄未徹在師云一家有事百家忙僧便禮拜

師乃云一莖草上現瓊樓至殿一微塵裏轉大法輪
法法皆宗頭頭是令一切處成就一切處建立只憑
者箇力且道者箇是甚麼拈拄杖卓下惡幾乎觸諱
解夏小參結則盡大地一時結針割不入水瀉不著
解則徧法界一時解任他風吹又日炙羣巖眉毛在
不在雲門關字常現前蠟人冰鵝護雪總是拈放一
邊黑色拄杖又摩挲鉢囊鞋袋重挑起一家不管一
家事各自守疆保界雖然如是九十日中且道明甚
麼邊事前三三後三三

復舉洞山和尚示衆云兄弟家初秋夏末公案拈云
洞山老漢豁開一條大路只要盡大地人共行雖然

如是且道路頭在什麼處看脚下

上堂大野涼風颭颭長天踈雨濛濛祖師心印衲僧
巴鼻一時漏泄自古自今無人遮藏崇福雖是不肖
試爲遮藏看以袖掩拂子云噫千眼大悲觀不見三
賢十聖那能知

佛殿釋迦安座上堂一會靈山儼然未散凌跨今古
逼塞虛空盡大地人仰望不及森羅萬象總在下風
而今面目現在坐鎮寰中仰冀法輪常轉應用無窮
上堂俱胝堅起指頭魯祖見人面壁冷地看來早是
不著便所以崇福遇緣觸境隨分知著

冬至小參天平地平日上月下陰剝陽生否極泰來

自然有時有節無端從上沒般次漢羅列陳年菓卓
提起爛臭布視一錯百錯錯到而今未免一年一度
掛人唇齒崇福今夜忍俊不禁別開一條活路子教
汝諸人管取太平無象拈拄杖卓一下云直得崇福
山頂枯木開花太宰府裏和氣霽然君子小人各得
其宜正恁麼時親切一句作麼生良久云一氣不言
含有象萬靈何處謝無私

復舉瀉山問仰山仲冬嚴寒公安師拈云瀉仰父子
互相熱謾爭柰藏身露影且道那裏是他露影處具
眼者辨取

次日上堂光陰似箭日月如流事從眼前過不覺老

臨頭不干寒暑不涉世緣如何通信一冬二冬又手當曾

上堂僧問欲識佛性義當觀時節因緣未審是何時節師云一等是焦廢時節進云如何是佛性義師云頭頭上明物物上現進云趙州云有佛處不得住無佛處急走過三千里外逢人莫錯舉此意如何師云早是錯舉了也進云僧云恁麼則不去也又如何師云也是伶俐漢進云州云摘楊花摘楊花如何委悉師云蘇魯蘇魯進云恁麼則昔日趙州今日和尚師云還知東壁掛胡蘆蘇僧無語便禮拜

師乃云山是山水是水草本天下同山不是山水不

是水指桑罵柳也是尋常也是尋常只如一塵未起一漚未發以前消息向甚麼處得來擊拂子一下云諸人若會得畫錦還鄉其如未然鳳林吒之

謝維那知客典座上堂鳴槌展鉢擊鼓上堂有照有用有賓有主有漏洩籬無漏木杓頭頭合轍應用無虧雖然如是栢欄在我手裏基括拄杖卓一下云要且大家著力

臘八上堂全提正令佛祖乞命直饒釋迦老子端坐雪山六載逗到臘月八夜明星現時忽然悟去猶未放過在何故擊拂子云我王庫內無如是刀

歲節小參年窮歲盡牛頭沒馬頭回臘盡春來驢觀

井井觀驢文殊維摩撒手歸去拾得寒山撫掌大笑
不是新年頭佛法亦非舊歲因緣到這裏銅頭鐵額
漢也無插嘴之處畢竟如何通信拍禪牀云東村王
老夜燒錢

歲且上堂昨夜送舊年今朝迎新歲現量法門活祖
師意若也橫身擔荷得去自然春風和氣不然擊拂
子云又是從頭起

元宵因雪上堂開瑞三五節屆上元在處燒燈以享
上帝崇福隨例也點一燈所以道一燈點出百千燈
燈燈相續忽有人出來道燈燈相續即且置雪覆千
山因甚麼孤峯不白只向他道我見燈明佛本光瑞

如此

三月半上堂僧問祖令當行十方坐斷正恁麼時請
師祝 聖師云雲淨日月正僧云雪峯示衆云盡大
地是解脫門把手拽不入此意如何師云在甚麼處
僧云爭柰在門外師云喚甚麼作門僧云爲甚不肯
入師云你獨不得入僧無語師云果然果然又有僧
問臨濟一日示衆云有時奪人不奪境有時奪境不
奪人有時人境兩俱奪有時人境俱不奪是何章句
師云離却四句會取僧云如何是奪人不奪境師云
目前無闍梨僧云如何是奪境不奪人師云仰面不
見天低頭不見地僧云如何是人境兩俱奪師云花

散鳥不來僧云如何是人境俱不奪師云天是天人
是人僧云畢竟如何師云天高蓋不盡僧云猿抱子
歸青嶂後鳥銜花落碧巖前者箇是夾山境如何是
崇福境師云雲山蒼蒼澗水潺潺僧云如何是境中
人師云出頭天外看僧禮拜
乃云日暖風和春色向晚處與桃花開似錦靈雲見
處今猶在不知諸人疑不疑徹不徹相識滿天下知
心能幾人

四月且上堂僧問猿抱子歸青嶂後鳥銜花落碧巖
前者箇是夾山境如何是橫嶺境師云雲在嶺頭閑
不徹水流澗下太忙生僧云如何是境中人師云屋

頭青山青更青僧云未審人與境相去多少師云高
著眼看僧云只如趙州曾到曾不到一等教他喫茶
去意在甚處師云喫茶者方知僧云學人即今到此
間和尚有何施設師云齋時喫飯去僧云成人者少
敗人者多師云知恩方解報恩僧便禮拜

乃云一言道盡與佛祖爲師一言道不盡與人天爲
師且道那一言滿地殘紅春色去潑天張綠夏初來
端午上堂五月五天中節時清道泰門安戶靜不要
張天師李道士咒土書符何必更舉善財採藥文殊
用藥崇福門下自然太平得路何故如是良久皇天
無親惟德是輔

中夏上堂九夏過半見成公案諸人若會得無事不
辨不妨長連牀上喫粥喫飯其脫未然更有那一半
在

解夏小參金風拂拂秋色澄澄蛩吟幽砌蟬鳴高樹
全彰靈山家風潛通少林密旨若是眼裏有珠皮下
有血朝遊夕虔只領現成左之右之了無異解一念
萬年萬年一念日日是九夏時時是三秋更說甚克
期取證法制周圓總是生風起草正恁麼時親切一
句作麼生道良久云鷗弓已掛狼煙息萬里歌謠賀
太平

次日上堂祖師意百草頭衲僧眼拄杖頭爭如崇福

這裏打開布袋結頭東去也得西去也得不得風流處
也風流

中秋上堂見成公案更無他說八月十五中秋令節
寒山子太饒舌休饒舌長安夜夜家家月

重陽上堂重陽只是九月九若說佛法要妙特地于
戈或賞黃花白醪俗氣不除何況茫茫涉嶮登高何
曾踏著自家活路且道如何是自家活路莫是佛殿
前僧堂後麼良久云不識

上堂我本無心有此希求從天降下從地湧出風從
虎雲從龍因甚如此卓拄拄云物歸有主

上堂見成公案迴絕商量渾崙崙子未舉全彰直得

崇福無開口處諸人合作麼生惡切忌妄通消息
爲聖一和尚第三年陞座威音那畔一著子亘古亘
今輝天鑑地若向這裏承當得去堪報不報之恩其
如未然更向第二義門露箇消息去也拈拄杖卓一
下云二千年前於摩竭陀國親行此令又卓一下云
二千年後於日本國中全提此令不移一絲毫許崇
福久默此要不務速說今當東福開山聖一和尚遷
化之後第三年忌辰此臨嗣法小師龍華長老令崇
福舉揚宗乘不敢囊藏被蓋直得重重說破去拈拄
杖又卓一下云正當恁麼時聖一老師在甚麼處證
明此事靠拄杖云紅日當門照清風匝地寒

復舉神鼎譚和尚因首山忌日上堂云山僧自離先
師來有所願未滿離先師較早始終不相隨今日擬
欲哭一聲不知大衆容許否若哭不異俗若不哭孝
敬何在且道哭即是不哭即是衆無對乃云蒼天蒼
天師拈云神鼎和尚可謂是知恩方解報恩衆無對
蒼天之中更加冤苦今日龍華長老於先師忌日設
大齋會作大佛事報恩已畢且道與古人是同是別
良久云九九元來八十一

三月半上堂僧問摩尼珠人不識如來藏裏親收得
如來藏則不問如何是摩尼珠師云照天照地光焰
焰僧云學人只索一顆珠和尚傾出一拷拄師云一

肩擔取去僧云只如牛頭未見四祖時百鳥爲甚銜
花獻師云彩奔齷家僧云見後爲甚不銜花獻師云
落花不上枝僧云見與未見則且置牛頭即今在甚
麼處師云當面薦取僧云不因揚德意爭識馬相如
師云更須子細始得僧便禮拜

師乃云春色向晚綠暗紅稀滿地落花風掃盡黃鶯
啼在綠楊陰衲僧門下不用切切

結夏小參山青水綠花笑鳥啼一一觀體全真箇箇
當陽漏泄所以崇福尋常不欲向聲前向後鼓弄人
家男女何況三月安居九旬禁足不異網底遊魚有
什麼快活處當頭坐斷別立生涯也是生風起草總

不與麼未出常情且道畢竟如何即是 擊拂子云衝

開碧落松千尺截斷紅塵水一溪

復舉僧問睦州一言道盡時如何州云老僧在汝鉢
裏裏師拈云睦州老兒被這僧一問直得露出心肝
崇福則不然忽有人問一言道盡時如何低低地向
他道且緩緩

次日上堂拈拄杖卓一下云諸佛於此轉大法輪又
卓一下云諸佛於此結制安居克期取證且道取證
什麼法又卓一下云莫是這箇法麼良久云不是不
是

結夏小參僧問烏兔如馳聖制已臨應節一句願聽

舉揚師云薰風自南來殿閣生微涼僧云如何是圓
覺伽藍師云青山流水僧云如何是平等性智師云
鶻噪鴉鳴僧云畢竟如何安居師云頭上漫漫脚下
漫漫僧便禮拜

師乃云世界未分形名未兆誰是釋迦誰是弥勒如
何安居如何禁足一向恁麼去土曠人稀相逢者少
世界纔分形名已兆釋迦自釋迦弥勒自弥勒青山
流水明月白雲頂門上脚跟底總是圓覺伽藍無非
平等性智與麼告報未出常情向上全提一句如何
委悉卓拄杖一下千峯勢到微邊止萬派聲歸海上
消

舉僧問瀉山如何是道瀉云無心是道僧云學人不
會瀉云會取不會底僧云如何是不會底瀉云只是
你不是別人師拈云瀉山恁麼老婆心切爭奈者僧
不肯承當今夜還有承當得底麼崇福猶有說在何
故無心猶隔一重關

次日上堂僧問一峯雲片片雙澗水潺潺莫是二千
年前消息麼師云認著依前還不是僧云衲僧家尋
常氣宇如王因甚今朝坐在者裏無繩自縛師云覓
火和煙得僧云與麼則龍得水時添意氣虎逢山色
長威憚師云靈利漢僧云記得古者道護生須是殺
殺盡始安居會得箇中意鐵船水上浮還端的也無

師云恁麼人方知恁麼事僧云如何是護生須是殺
師云上無佛祖下絕已躬僧云如何是殺盡始安居
師云外不見有一物僧云如何是箇中意師云佛祖
不知僧云鐵船水上浮又如何師云輕如鴻毛重如
山僧云者箇則且置和尚莫別有結制底一句麼師
云西天令嚴僧禮拜又僧問四月江天雨霽晴青山
萬朵上雙眉衲僧眼裏重添脣九旬禁足事如何師
云處處逢原僧云只如總大千爲一伽藍促古今爲
一期限驅四聖六凡入此網子還有漏網底麼師云
無漏網底僧云西天以蠟人爲驗則不問東土以鐵
彈爲驗意旨如何師云團團無縫罅僧云蠟人鐵彈

相去多少師云西天東土路迢迢僧便禮拜

師乃云衲僧家三月安居九旬禁足如虎靠山似龍
得水因甚如是擊拂子云水自竹邊流出冷風從花
裏過來香

謝書記秉拂上堂僧問諸佛行不到處如何說師云
一步是一步僧云行說俱到是何人分上事師云出
頭天外看僧云記得乾峯示衆云舉一不得舉二放
過一着落在第二意旨如何師云松本直棘本曲僧
云雲門出衆云昨日有人從天台來又行南嶽去如
何委悉師云知音知後更誰知僧云峯云典座來日
不得普請畢竟如何師云有問有答僧云恁麼則碑

文刊白字當道種青松師云好箇一句又有僧問時
節因緣則不問如何是向上宗乘事師云須彌山僧
云恁麼則佛祖退身有分師云非但佛祖僧云記得
龐居士問馬祖不昧本來人請師高著眼祖直上觀
此意如何師云目前分明僧云士云一種沒絃琴唯
師彈得妙祖直下觀又如何師云讚歎有分僧云士
禮拜祖便歸方丈意在何處師云路入桃源深更深
僧云者箇則且置如何是和尚爲人處師云還覺腦
門重麼僧便禮拜
師乃云通天有路不許夜行大道無人投明須到且
道因甚如是一字不著劃八字無兩ノ

解夏小參橫岳一峯青黯黯以長時現前雙礪泉水
聲潺潺而日夜常流諸人於此結制安居朝遊夕處
足觀飽味意不停玄眼不掛戶今則三期告滿聖制
周圓箇箇頂天履地人人鼻直眼橫內無所修外無
所證然則只知開田種粟晝食夜寢且道文殊三處
度夏又作麼生良久云有意氣時添意氣不風流處
却風流

復舉洞山萬里無寸草處去公案師拈云洞山恁麼
指示人一個覺全身入草石霜只要相見洞山未免同
在豈裏豈福則不然初秋夏末兄弟東去西去各自
途中善爲

次日二堂布袋頭結大地絕行蹤布袋頭開徧界通
活路且道結底是開底是拈拄杖卓一下云西風一
陣來吹葉兩三片

重陽二堂拈起拄杖云我若拈起汝向未拈起時作
道理我若未拈起汝向拈起處作主宰大眾還會麼
卓拄杖云採菊東籬下悠然見南山

開爐三堂堆堆坐擁寒爐片片頻燒落葉誰管無賓
主話說甚三界唯心但得些子火種在自然暖氣勝
於春

上堂更得現前莫存順逆祖師恁麼道無途轍中翻
成途轍且道順時逆時寒時熱時何時不現前雖然

如是如何是現前底道理良久云開眼也著合眼也
著

浴佛上堂淨法界身本無出沒不知今日更浴那箇
佛諸人若也會得親見釋迦老子其處未必然崇福下
座頂門上潑一杓惡水去也諸人急著眼看

結夏小參在峯峭峻難窮其頂戒岸池深莫測其源
三也測得其源四大海水只在一滴若是窮得其頂
百億須弥只在一塵所以道一毫頭上識得根源十
世古今始終不離當念一念萬年萬年一念塵劫來
事只在而今等是恁麼時節何不便領取去那堪更
說三月安居九旬禁足然雖如是見煙便知火處會

去飯熟已多時其脫未然擊拂子云西天令嚴
復塞臨濟侍德山次山云老僧今日因濟云寐語作
什麼山按拈棒濟撒倒禪牀師拈云若是崇福當時
纔聞道老僧今日因便云請和尚喫茶免見彼此干
戈相待何故老不以筋力為能
次日上堂三月安居布袋頭結坐斷要津聖凡路絕
正當住麼時汝等諸人向甚麼處出氣卓拄杖一下
謝書記秉拂上堂碧雲流水明月清風不是禪不是
道不是物且道是何章句文彩已彰
端午上堂崇福從來收得些子靈藥囊藏被蓋久矣
今朝端午節信手拈來布施大眾暮拈拄杖示眾云

不唯點鐵成金亦乃轉凡成聖佛病祖病身病意病
一切之病悉皆除之且道是什麼藥得恁麼奇特良
父云神仙秘訣父子不傳

上堂十五日前白雲不敢白十五日以後青山未
為善正當十五日白雲自白雲青山自青山崇福恁
麼道還有為人處也無良久云仁者見之謂之仁智
者見之謂之智

解夏小參天是天地是地山是山水是水四月十五
日也與麼七月十五日也與麼不移易一絲毫許雖
然如是纔擬與麼便不與麼窮即變變即通看看拂
子吞却乾坤大地正恁麼時天不是天地不是地山

不是山水不是水若向這裏轉得身吐得氣不妨依
舊天是天地是地山是山水是水拂子是拂子所以
道佛法二千年不移一絲毫許這箇即且置只如解
制自恣底一句作麼生道良久云四海而今清似鏡
行人莫與路為辭

復舉僧問雲門大師初秋夏末東去西去前程忽有
人問未審如何祇對門云大眾退後僧云某甲有什
麼過門云云還我九十日飯錢來拈云雲門大師放
去收來如風如電雖然如是且無大人相若有人問
崇福向他道前三三後三三待擬如何驀口便打
次日上堂為宗師者只貴以本分事接人崇福一夏

九旬之內咬定牙關不曾與兄弟說著本分事何故
如此逢人且說三分話未可全拋一片心

上堂舉乳源和尚云衆云西來的大意不易舉唱
時有僧出源云什麼時節出頭來便打師拈云乳源
老漢覷面當機可惜這僧不肯承當且道崇福者裏
還有人承當得麼良久云有即有只是無人知
開爐上堂崇福開爐諸方不同寒時不向火自然暖
氣相洽熱時不乘涼自有清風徹骨何故如是直在
樹云百文道底

冬至小參群陰剥盡屋頭山色靜悄悄一陽復生門
外水聲闊浩浩闊浩浩處靜悄悄靜悄悄處闊浩浩

有來由沒巴鼻石笋抽條三兩枝鐵樹花開數朵秀
要且不是佛法道理也只是時節因緣且道是什麼
時節有甚麼因緣曹漢門一喝云曹漢門下切忌俗談
復寒僧問多福如何是多福一叢竹福云一莖兩莖
斜三莖四莖曲虛堂先師拈云往往知多福不知竹
往往知竹不知多福師拈云大九衲僧家見煙處便
知火虛堂和尚因甚恁麼道還委悉麼鶴有九臯難
畫翼鳥無千里護追風

次日上堂一冬二冬叉手當曾二十一二十二兩手
摸鼻諸人若也會得恰如白衣拜相慶快平生其或
未然冬至到寒食一百單五

臘月且上堂舉金峯有僧參峯云吾有一則因緣舉
似你切忌錯會僧作聽勢峯云早錯了也僧拂袖便
出峯云雪上更加霜師拈云高山流水子期能聽之
是則是且道峯云雪上更加霜又作麼生無限清風
來未休

上堂言而足終日言而盡道言而不足終日言而盡
物且道道真物是一是二良久云一冬二冬叉手當
曾

除夜小參崇福山前戒岸寺畔有一片田地自古自
今不曾變易來來往往千千萬萬未曾踏著若也親
曾踏著得脚跟下硬糾糾地要行則三世諸佛托手

共行要任則歷代祖師眉毛厮結森羅萬象總在裏
許清風浩浩明月凜凜逗到臘月三十日也只是恁
麼臘盡春回依舊如前且道是什麼田地卓拄杖云
契券分明

復舉僧問谷隱慈照禪師如何是道照云臘月三十
日師拈云古人恁麼道如虫禦木偶尔成文忽有人
問崇福如何是道即向他道角奏舊年曲花開新歲
枝

元宵上堂風蕭蕭雪漫漫古佛心只而今且道以何
為驗良久云過去燈明佛本光瑞如此

佛涅槃上堂僧問兩洗淡紅桃萼嫩風動淺碧柳絲

輕如何是瞿曇面目師云慈顏已露僧云奈何露柱
橫點頭師云將謂無人證明僧云記得世尊臨入涅
槃文殊請佛再轉法輪世尊咄云文殊吾四十九年
住世未曾說一字汝請吾再轉法輪是吾曾轉法輪
乎此意如何師云平生肝膽向人傾僧云畢竟轉法
輪不轉法輪師云離却兩頭看僧禮拜

師乃云百花競發萬物敷榮瞿曇示滅迦葉攢眉引
得波旬失笑一片涅槃身頭頭都漏泄至今千古難
遮掩狼籍年年二月春

三月且上堂春色向晚落花滿地靈山一會儼然未
散拈花微笑萬古現成更有何人眼如流星喝一喝

共行要在則歷代祖師眉毛厮結森羅萬象總在裏
許清風浩浩明月凜凜逗到臘月三十日也只是恁
麼臘盡春回依舊如前且道是什麼田地卓拄杖云
契券分明

復舉僧問谷隱慈照禪師如何是道照云臘月三十
日師拈云古人恁麼道如虫禦木偶尔成文忽有人
問崇福如何是道即向他道角奏舊年曲花開新歲
枝

元宵上堂風蕭蕭雪漫漫古佛心只而今且道以何
為驗良久云過去燈明佛本光瑞如此

佛涅槃上堂僧問兩洗淡紅桃萼嫩風動淺碧柳絲

輕如何是瞿曇面目師云慈顏已露僧云奈何露柱
橫點頭師云將謂無人證明僧云記得世尊臨入涅
槃文殊請佛再轉法輪世尊咄云文殊吾四十九年
住世未曾說一字汝請吾再轉法輪是吾曾轉法輪
乎此意如何師云平生肝膽向人傾僧云畢竟轉法
輪不轉法輪師云離却兩頭看僧禮拜

師乃云百花競發萬物敷榮瞿曇示滅迦葉攢眉引
得波旬失笑一片涅槃身頭頭都漏泄至今千古難
遮掩狼籍年年二月春

三月且上堂春色向晚落花滿地靈山一會儼然未
散拈花微笑萬古現成更有何人眼如流星喝一喝

云大家在這裏

三月半上堂春風浩浩春雨微微水滿溪澗風掃落花好箇衲僧巴鼻沒巴鼻有來由取得眼來三千里舉僧問雲門如何是清淨法身門云山花開似錦礪水湛如蓋師拈云韶陽老人恁麼道是即是矣諸人恁麼會即未可在且道利害在什麼處具眼者試辨看

浴佛上堂聲前一路佛未出世時早是漏逗末後一機佛出世後處處成現直饒恁麼會得去要見釋迦老子太遠在何故豈不見道天上天下唯我獨尊上堂僧問一機一境盡落今時不步化門如何通信

師云南地竹北地木僧云露柱暗中橫點頭擊師云更有知者在僧云只如馬祖陞堂百丈捲席意在何處師云燒磚打著連底凍僧云祖便下座歸方丈又如何師云他家自有通宵路僧云恁麼則鯨吞海水盡露出珊瑚枝師云更進一步看僧云稠載而往垂橐而歸便禮拜

師乃云渾崙句子現成公案從上佛祖提掇不起天下衲僧名狀不出纔涉思惟白雲萬里崇福今朝便難逢分明說破去山前麥熟也未

結夏小叅徧法界即圓覺伽藍何處不安居盡大地是衲僧自己阿誰不平等况是鳥啼山林顯揚世尊

密語水流礪下潛通古佛心宗頭頭合轍處處逢原
恁麼會得劍樹刁山任意遊戲鑊湯爐炭要入便入
如是護生如是禁足方始為沙門行履處其如未然
長連牀上有粥有飯

復舉僧問雲門大師如何是直截處門云主山後僧
云謝師指示門云合取皮袋師拈云雲門大師是而
是崇福即不然忽有人問如何是直截一路便云法
堂前待他道謝師指示只向他道禮拜了退

次日上堂舉五祖云今日結夏無可供養大衆作一
家宴管待諸人遂舉手云羅羅招羅羅遙羅羅送莫
怪空疎伏惟珍重師拈云五祖老人好箇家宴只是

節拍全無崇福今日結夏也是與大衆作箇家宴德
山歌雲門曲蘊拍板無孔笛一時吹唱鬧熱叢林教
諸禪德技貧作富拈拄杖卓一下云一曲兩曲無人
會兩過青山溪水深

上堂五月初一不舉舊時話頭只據現成公案與諸
人相見驀拈拄杖卓一下云山前麥熟也未

端午上堂崇福尋常不說禪不說道餽食淡飯隨分
過時今朝五月五天中節却請拄杖子通箇消息拈
拄杖卓一下云天行已過使者須知

五月半上堂人人自有一片田地四至界畔曉然明
白諸人若也一踏踏著行住坐卧常在其中右之右

之無是不是飽食安眠未為分外雖然如是且道其中事又作麼生擊拂子云薰風自南來微涼生殿閣中夏上堂舉梁山因真園頭問家賊難防時如何山云識破不為寃真云識破後如何山云取向無生國裏真云莫是他安身立命處山云死水不藏龍真云如何是活水龍山云興波不作浪直云忽然傾湫倒嶽時如何山下座扭住云不得濕却老僧袈裟角若有人問崇福家賊難防時如何只向他道和賊敗關敗關後如何藏身無路

七月且上堂暑退涼生樹凋葉落時節因緣不相慢林下衲僧機用活崇福門庭從此昌盛且道以何為

驗擊拂子云秋至鴈含蘆

餅夏小叅僧問九夏賞勞請師言薦師云清風動徧野塞鴈鳴長天僧云便恁麼去時如何師云更須子細僧云臨濟有三句如何是第一句師云黃葉落盡庭僧云如何是第二句師云崑崙巖生鐵僧云如何是第三句師云無孔鐵錐當面擲僧云三句分明蒙指示向上宗乘又如何師云天高蓋不盡僧便禮拜又有僧問聖制已圓秋風滿面正與麼時願聽提唱師云秋林葉落秋月當戶僧云恁麼則有意氣時添意氣不風流處又風流師云更有奇特在僧云記得翠岩示衆云一夏為兄弟東語西話看翠岩眉毛在

廢意在何處師云爛泥裏有刺僧云保福云作賊人心虛如何委悉師云賊知賊僧云長慶云生也又如何師云兩重公案僧云雲門云開畢竟如何師云突出難辨僧云只如三古德扶起翠岩門風還有優劣也無師云同途不同轍僧云當時若見翠岩道看眉毛在廢未審和尚如何祇對師云覲面相瞞僧云學人今夜小出大遇便禮拜

師乃云九旬制內崇福一衆眼不掛戶意不停玄水邊林下忘懷絕照石上松根嘯月眠雲今則法歲周圓三期告滿要行便行要坐則坐不離當處逍遙物外拄杖頭邊起清風草鞋跟底乾坤闊說甚萬里無

寸草彩奔齷家堪笑出門是草隨屣搜漢種粟開畚
晝食夜寢又是靈龜拽尾崇福門下總不與廢畢竟
如何行履卓拄杖一下大鵬一舉九萬里

舉雲門問僧何處來僧云岳山來門云吾不曾與人
蒼藤乃云來僧近前門云去師拈云雲門大師教人
近前退後早是蒼藤了也崇福即不然問僧何處來
待僧云岳山來劈脊便打何故吾不曾與人蒼藤
次日上堂僧問禁足安居困魚止灤尅期取證鈍鳥
栖蘆今朝解制如何轉身師云徧界活路通僧云恁
麼則青山綠水草鞋底明月清風拄杖頭師云前面
逢著甯莫道翁翁不道來僧云記得洞山示衆云兄

弟初秋夏末直須向萬里無寸草處去意旨如何師云也是草裏漢僧云石霜云何不道出門便草又如何師云不知脚下草還生僧云山開云大唐國裏能有幾人如何理會師云千里同風僧云只如萬里無寸草處如何去師云急走過僧云前程忽有人問著和尚今夏事未審如何祇對師云前三三後三三僧便禮拜又有僧問袖頭打領腋下剌襟則不問獨脫底句願聽舉揚師云脚頭脚底起清風僧云尚涉廉纖在師云韓獪逐塊僧云只如自恣斯臨法堂新開還有新底佛法也無師云燈籠掛露柱僧云記得臨濟示衆云赤肉團上有一無位真人常在諸人面門

出入未證據者看看此意如何師云覲面當機更無回互僧云時有僧出問如何是無位真人濟擒住云道道如何領略師云迅雷不及掩耳僧云僧擬議濟托開云無位真人是何乾屎橛又如何師云曲不截直僧云岩頭聞得不覺吐舌是何心行師云知音知後更誰知僧云雪峯云臨濟大似白拈賊還識得臨濟也未師云早被雪峯覷破僧云畢竟如何是無位真人師云高著眼看僧云與麼則粉骨碎身未足酬師云知恩方解報恩僧便禮拜師乃云暑退涼生樹凋葉落林下衲僧全機獨脫露柱燈籠箇箇心空狸奴白牯一一眼活雖然如是崇

福挂杖子猶未點頭在何故楚鷄不是丹山鳳

八月且大風後上堂顯大機發大用入門便捧入門
便喝恰如疾風卒雨傾湫倒嶽雖然如是冷地看來
費力不少所以崇福頃時保愛坐致太平且道因甚
麼如是良久云豈不見道萬般施設不如常

中秋上堂靈山指月曹溪話月當頭未出光影南泉
拂袖歸去猶落第二長沙一踏踏倒用得一半且道
如何是那一半以拂子打圓相云團團離海嶠漸漸
出雲欄

九月且上堂風颭颭雨濛濛黃葉滿地塞鴈橫空不
是佛法要妙也只是時節因緣且道今日是什麼時

節有什麼因緣大衆若也會得不妨途中受用其如
不然一任世諦流布

開爐上堂大地爲爐須彌爲炭崇福家風未是寂寥
且去火邊坐切忌更商量喝一喝

冬至小參僧問葭管飛灰繡紋添線不涉時節請師
提唱師云天高東南地傾西北僧云瀉山問仰山仲
冬嚴寒年年事畧運推移事若何仰山又手進前而
立意旨如何師云乱呈懞袋僧云瀉云情知汝答此
話不得又如何師云爛泥裏有刺僧云瀉山又以此
話問香巖巖云某偏荅得此話瀉云汝如何巖又手
進前而立如何領略師云同坑無異土僧云瀉云幸

遇寂子不會畢竟如何師云眼觀東南意在西北僧云和尚今夜徹底老婆師云更進一步看僧便禮拜師乃云群陰消盡葭灰未飛戟玄機於未兆以前一氣潛通律管先知葳宜運於即化之際洞山撥退菓卓皓老布觀不洗滌仰父子進前退後總不出這裏所以崇福只據現定應時納祐還他否極泰來自自然有時有節何故如是良父皇天無親惟德是輔舉荷澤到思和尚處思問云何處來澤云曹溪思云曹溪意旨如何澤振身而立思云猶帶瓦礫在澤云此間莫有黃金麼思云縱有向甚處著師拈云二老相見賓主歷然雖然未得勦絕在若是崇福待他問

此間莫有黃金麼便與一拳何故黃金自有黃金價終不和沙賣與人

次日上堂僧問朔風拂地捲黃葉門外千峯凜寒色正與麼時願聽舉揚師云冬日熙熙當門照僧云恁麼則岸柳未開眼庭梅先發花師云劫外春風動僧云佛眼遠禪師寒夜孤坐撥爐見火一豆許云深深撥有些子透闕几上傳燈錄到破竈墮因緣忽然大悟還端的也無師云如貧兒得寶僧云圓悟因以青林搬土話驗之乃云且喜遠兄便有活人之句又如何師云知音知後更誰知僧禮拜師乃云天寒人寒大家在者裏便與麼去都無縫罅

崇福今朝略通一線路去管取普天和氣擊拂子云
直得一陽來復人人東過西西過東箇箇拜底拜賀
底賀何故如是一氣不言含有象萬靈何處謝無私
上堂乾峯示衆舉一不得舉二放過一著落在第二
雲門出衆云昨日有人從天台來今日却往南嶽去
峯云典座來日不得普請師拈云龜拍板無孔箇狹
路相逢音徹青宵崇福也是舉一去也今朝臘月初
一日諸人切忌道著來日初二日

除夜小叅只這一枝拂真椶櫚鐵作骨自古至今未
嘗變易年窮歲盡也是烏散散地臘去春迴依舊如
前然雖如是拈起也天迴地轉放下也風行草偃不

拈不放應時納祐坐致太平且道這一枝拂子憑箇
什麼得恁麼奇特良久云只許老故知不許老故會
復舉僧問谷隱慈照禪師如何是道照云臘月三十
日師拈云好大衆一片皓玉無瑕切忌動著何故雕
文喪德

正旦上堂大機圓應大用無方如天普蓋似地普擎
風從甬雲從龍且道因甚麼如是拈拄杖一下云彩
奔闕家

上堂古者道法輪未轉食輪先轉崇福這裏法輪常
轉食輪未轉忽若兩輪共轉時如何幕拈拄杖連卓
兩下云三世諸佛立地聽森羅萬象齊鼓舞

三月且上堂孟春猶寒孟夏漸熱諸人自合知時節
莫待山僧開口說黃鶯枝上分明說且道說箇什麼
喝一喝

三月半上堂桃花紅梨花白靈雲悟處尚依然玄沙
未徹無人識無人識令吾特地憶南泉

結夏小叅天際日上月下檻前山青水綠南斗七北
斗八牛頭沒馬頭回幸自恬然無一事二千年前大
覺世尊事不獲已起摸畫棧喚作圓覺伽藍平等性
智若聖若凡情與無情總在裏許據菩薩乘修寂滅
行從茲致令後代兒孫箇箇望梅林止渴不見有一
人獨脫底漢崇福拂子今夜忍俊不禁出來一擊擊

碎靈山多年窠窟以拂子擊一擊云一擊擊碎了也
又向甚麼處禁足護生良久云切忌停囚長智

復舉藥山和尚坐次有僧來叅問云和尚兀兀地思
量箇什麼山云思量不思量底僧云不思量底如何
思量山云非思量師拈云藥山老漢一等是老婆心
切雖然如是大衆還知不思量底麼良久云分明記
取

次日上堂靈源不昧舉萬法而全彰妙用繁興稱法
界而齊起行一步踏著瞿曇眼睛舉一指築著達磨
鼻孔恁麼禁足恁麼安居眈眼便過一夏其或未然
西天令嚴

謝截主東拂并齊上堂有一句子百味具足從上佛
祖提持不到一大截教技載不及今日使便難逢崇
福信手拈出供養諸人驀拈拄杖擲下云籬食易飽
細嚼難飢

解夏小叅橫岳峯頂峭峻巍巍千古萬古到者還稀
霧擁雲屯日夕風吹歷代祖師仰望不及天下衲僧
著脚不得今夏九十日內八十餘負禪和同此結制
安居各自尅期取證風前月下兩兩三三林邊水際
任意遊戲今則法歲周圓且道還有一箇半箇親到
頂巔底麼其或未然擊拂子云千巖勢到岳邊止萬
派聲歸海上消

復舉有僧到仰山云從甚麼處來僧云廬山來山云
曾到五老峯麼不曾到山云關梨不曾遊山雲門大
師云仰山此語慈悲之故有落草之譚師拈云仰山
恁麼道當時大唐國裏能有幾人知雲門著得此一
語殊不知落草之譚愈甚具眼者辨取

次日上堂結是誰結虛空釘椽解是誰解虛空剝烈
解結以前見得親千里萬里一條鐵

重九上堂僧問汾陽云重陽九日菊花新意旨如何
師云現成公案僧云臨濟會下兩堂首座相見齊下
喝時如何師云也有照也有用僧云有僧問這兩喝
還有賓主也無濟云賓主歷然又如何師云文彩已

彰僧云人天衆前蓋覆伊得麼也無師云無處蓋覆
 僧云爲甚無處蓋覆師云賓主歷然僧便禮拜又僧
 問重陽九日風光別處樓臺醉倒人不入這般保
 社和尚如何施設師云天高萬象正僧云只如步步
 登高底人還踏著向上一路也無師云蹉過也不知
 僧云記得僧問古德如何是祖師西來意德云東籬
 黃菊意旨如何師云突出難辨僧云請師拈起一枝
 看師云未拈起時全機顯露僧禮拜

師乃云黃花發舊叢茱萸凝煙紫塞鴈鳴長天蟋蟀
 吟草底古佛心祖師意一時漏泄因甚如是良久云
 時節既至

虛堂和尚忌拈香大宋凌霄峯頂收得多年囊截被
 盖曰本崇福山中坊來幾迴熏天炙地斤兩無多根
 苗有異休說巴陵三轉語只要徧界香風起

十月半上堂舉明招讚和尚示衆云這裏風頭稍硬
 且歸煖處商量衆隨後到招云纔到暖處便見瞌睡
 便趁衆師拈云明招老漢和盤撥出夜明珠可惜當
 時一衆眼裏無筋隨人上下大眾若也會得一場富
 貴其或未然切忌商量

冬至小參六陰剥盡載群機於未兆一陽來復含萬
 象於不言直得鐵樹開花石笋抽條君子小人各得
 其宜情與無情同長放顏太宰府裏崇福山頭和氣

露然雖然如是仲冬嚴寒暑運推移日南長至皓老
布裙依前赫赤又作麼生陰陽不到處分外好風光
復舉為山問仰山不問即今事自古事如何仰山又
手進前為云猶是即今事仰山又手退後為云我屈
汝汝屈我師拈云仰山進前退後步步踏著古今一
路還知為山年老心孤麼汝屈我我屈汝

次日上堂璿未動全機獨脫一氣不言萬象歷然
一切見成了無欠少所以崇福順時保愛坐致太平
何故攀拂子二陽氣發時無硬地

元宵上堂僧問昔日瞿曇以無所得受燃燈之記還
端的也無師云承虛接響僧云云天迦葉初傳燈如

何是傳底燈師云輝天鑑地僧云迦葉已傳龍潭為
甚吹滅師云只要大家暗中行僧云後來僧問香林
如何是室內一盞燈林云三人證龜成鳖意旨如何
師云子聞不如一見僧云忽有人問如何是室內一
盞燈師云殿柱放光僧云恁麼則處處發光輝云
也師云果然果然僧禮拜

師乃云春日晴春光美春蝶舞春風春魚弄春水黃
鸝枝上語錦雉溪畔啼無限好風景一時都漏泄且
道是甚祥瑞過去燈明佛本光瑞如此

二月旦上堂僧問向上全提鐵壁銀山放開線路如
何相看師云十分春色滿江湖僧云莫便是和尚為

人更麼師云你耳朵無聰僧云世尊昔日向百萬衆
前拈起一枝花意在那裏師云突出難辨僧云只有
迦葉破顏微笑未審見何道理師云赤眼撞著火柴
頭僧云世尊乃云吾有正法眼藏付囑摩訶迦葉如
何是正法眼藏師云桃花紅李花白僧云畢竟有分
付耶無分付耶師云承虛接響僧云只如即今日暖
風和百花競開向甚處見世尊師云當面蹉過僧云
靈山一會儼然未散導師云只見得一半僧禮拜又
有僧問談玄說妙好肉刺瘡豎拳下喝平地波瀾如
何是直截一路師云天高群象正僧云爭柰尚涉迂
曲師云韓獪逐塊僧云恁麼則家家門首透長安師

云看脚下僧云記得僧問雲門如何是清淨法身門
云花藥欄意旨如何師云劈腹剜心僧云僧問便恁
麼去時如何門云金毛獅子又作麼生師云未敢相
許僧云今日問和尚如何是清淨法身師云雲在嶺
頭閑不徹僧云便恁麼去時如何師云邯鄲學唐步
僧云者箇則且置如何是法身向上事師云水流磻
下太忙生僧禮拜

師乃云教中道十方佛土中唯有一乘法一花開天
下春一塵起大地收大衆會麼若也遲疑拄杖子重
說偈言去卓拄杖一下云但願春風齊著力一時吹
入我門來

上堂結夏後過半月不問寒山子不論水牯牛諸人
上末問訊山僧合掌低頭有照有用有實有主且道
因甚如是良久云風從靄雲從龍

端午上堂今朝端午節崇福不說禪提起一枝拂子
自然應時門安戶靜且道因甚如是擊拂子云

東山下左邊底

解夏小參即心即佛山青水綠非心非佛樹凋葉落
不是心不是佛風颭颭水冷冷等是恁麼時節其奈
土曠人稀今則法歲周圓三期告滿崇福未免言蕩
賞勞去也拈拄杖卓一下

復舉仰山問訊瀉山山云一夏不上來在下面何所

務公案師拈云瀉仰父子當時一夏不空過崇福門
下一衆一夏都無所務山僧亦無所作且道空過耶
不空過耶具眼者試辨看

上堂九旬安居今已滿林下衲僧活路通踏躡大地
無寸土橫擔榔槩舞秋風然雖如是崇福猶有說在
拈拄杖一畫云莫過於此

中秋上堂十五日以前風清月白十五日以後月白
風清正當十五日此夜一輪滿清光何處無

九月且上堂頭頭是物物是塞廡過長空野鹿斗林
底屋頭山門前水一一非他物箇箇歸自己且道如
何是自已良久云吾無隱乎爾

上堂如來禪祖師意嶺上白雲澗下流水百草頭邊
十字裏裏頭頭是物物是何故如是卓拄杖云萬物
非無主

謝衆客上堂趙州和尚云宗師者須是以本分事接
人始得師云諸人上來問訊山僧低頭合掌且道還
契得本分事也無良以云客是主人相師

十月半上堂崇福尋常不說禪不說道遇飯喫飯過
茶喫茶應時納祐隨宜施設諸天雨花無路魔外港
覩無門便恁麼去時如何崑崙爵生鐵

冬至小衆僧問陰盡陽生確甯開花不涉時節願聽
提唱師云雲淨日月正僧云松源有三轉語還許學

人容參也無師云問將來僧云大力量人因甚擡脚
不起師云一步是一步僧云開口因甚不在舌頭上
師云鴉鳴鵲噪僧云明眼人因甚脚下紅絲線不斷
師云貪程太疾僧云恁麼則昔日松源今日和尚師
云你向甚處見松源僧無語師云當面蹉過僧禮拜
又有僧問陰魔沮伏陽氣發生正與麼時請師指示
師云枯木生花鐵樹抽枝僧云僧問巴陵祖意教意
是同是別陵云鷄寒上樹鴨寒下水此意如何師云
山青水綠僧云僧問如何是吹毛劔陵云珊瑚枝枝
撐著月又作麼生師云寒光凜凜逼人寒僧云僧問
如何是提婆宗陵云銀枕裏盛雪如何委悉師云明

明歷歷僧云如何是祖意師云少室峰前雪未消僧云如何是教意師云鷲峯山色青更青僧云是同是別師云向上著眼看僧便禮拜

師乃云群陰剥盡大地平沈清寥寥白的的黃梅石女無處藏身少室鐵牛安眠露地一氣潛通萬物敷榮暖烘烘鬧浩浩露柱燈籠蒲面光生狸奴白牯同展歡顏宜得崇福山中和氣熏春佛法世法一時昌盛以何爲驗良久云露

舉僧問趙州如何是道州云墻外底僧云不問這箇道州云問那箇道僧云大道州云大道透長安師拈云大道沒遮障坦然透長安紛紛問路者可憐自作

難大衆還知大道麼看脚下

次日上堂僧問六陰剥盡一陽復生則不問如何是不遷義師云日出東方夜落西僧云恁麼則一冬二冬又手當曾師云好箇一語僧云堯率有三句還許容衆也無師云何妨問將來僧云衆玄只圖見性即今上人性在什麼處師云徧界不曾截僧云已得見性脫生死眼光落地時如何脫師云喚甚麼作生死僧云脫得生死須知去處四大分散時向什麼處去師云山自山水自水僧云向上更有事也無師云有僧云如何是向上事師云向下薦取又有僧問冬至月頭賣被買半冬至月尾賣牛買被意旨作麼生師

云見成公案直下會取僧云如何是冬來事師云白
雪滿天僧云不因一番寒徹骨爭得梅花撲鼻香師
云好箇消息僧便禮拜

師乃云仲冬嚴寒晷運推移枯木開花冰河焰起左
之右之吉無不利何故卓拄杖云陽氣發時無硬地
燈節上堂一燈纔明百千世界無量國土一時即明
若佛若祖有情無情於此光中各住自位得大安樂
之地同受燃燈之記且道是那燈

浴佛上堂我今灌沐諸如來見麼見麼淨智莊嚴功
德聚突出難辨五濁衆生令離垢泥裏洗土塊同證
如來淨法身大家在這裏崇福恁麼說早是將一杓

惡水潑諸人了也雖然如是知恩者少負恩者多
結夏上堂五月春已去朱夏初臨薰風南來殿閣生涼
正是諸佛出身時節說甚安居禁足尅期取證雖然
如是一日不作一日不食

興德寺佛殿安釋迦陞座佛身無爲觸處全真等應
塵刹豁周沙界無形而現相相炳然無聲而說法法
無盡若也不落見聞見得親切不涉聲色聞得分明
便知靈山一會儼然未散其如未然三拜起來高著
眼看

謝書記秉拂上堂諸佛說不到處列祖提不起底未
開口時文彩全彰何也畫前元有易刪後更無詩

端午上堂青山流水明月白雲頭頭是活祖師意人莫作死法會崇福與麼告報意在於何卓拄杖云五月五端午節

上堂又雨不晴衲僧皮草向甚麼處曬眼崇福今朝畫斷雲霧放出日輪照天照地去以拄杖畫一畫云兩邊青山碧雲淨日月正

中夏上堂九旬安居今朝過半數日已來連綿霖雨爛却瞿曇眼睛滴破衲僧鼻孔崇福今日畫斷雲霧向晴天白日與諸人相見去也以拄杖畫一畫云相見渾無事不來還憶君

焙經上堂三百餘會收拾不上二千年後提掇不起

積岳堆山風吹日炙衲僧門下不消一擊擊拂子云六月賣松風人間恐無價

解夏小叅雨洗炎暑徧界清凉現成公案迥絕商量若向這裏會去開眼合眼無非是解脫左之右之了無異解卷舒在我與奪憑誰雖然如是解制自恣底一句作麼生道擊拂子云秋風吹梧桐落葉兩三片復舉臨濟和尚示衆云有一無位真人汝等諸人面門出入未證據者看看師云臨濟老漢未是白拈賊說甚證據未證據直下識取元物何故青龜元是我家舊物

中秋上堂舉僧問德山靈山指月曹溪話月即不問

如何是眞月山云昨夜三更轉向西師云德山恁麼
答昨夜三更大雨下大衆作麼生會山僧有一頌學
示大衆昨夜三更雨連綿清光依舊照山川茫茫總
逐明暗底爭識十分桂影圓

九月且上堂雨蕭蕭風颭颭黃葉滿虛庭鴻鴈鳴寥
沈子細好生觀西來無妙訣有妙訣大衆分明自決
喝一喝

上堂一人發真歸源十方虛空悉皆消殞五祖云一
人發真歸源十方虛空築著墮者崇福則不然一人
發真歸源十方虛空只在毫端且道故人是同是別
大衆試辨看

開爐上堂崇福門庭從來滴水冰生今朝開爐震反
發焰一時暖熱祖意教意趙州無賓主話突在面前
雖然如是如何是無賓主話擊拂子一下便下座

達磨忘上堂熊耳峯前峭峻巍巍日日清風匝地夜
夜明月流輝盡言隻履西歸去誰知千古鎮長存且
道如何是長存底一句子良久云衆眼難瞞

虛堂忌拈香生佛未具以前早有這箇世界緣分便
見熏天炙地崇福一年一度當陽拈出供養這老和
尚要且不是報恩酬德也只是借水獻花

上堂雪上加霜爲瑞爲祥妙應無私不用商量卓拄
杖一下千古萬古只是者何必胡僧勸舉揚

臘月半上堂祖師云不是風動不是幡動仁者心動
巴陵拈云不是風動不是幡動向什麼處著雪竇云
是風是幡甚處著師拈云二大老同途不同轍崇福
不然是風是幡切忌動著何故轉喉觸諱

謝知客上堂古德云一喝分賓主照用一時行喝一
喝云那箇是賓那箇是主若也未明賓主未分若也
明得去有賓有主有照有用不妨照用一時行擲下
拂子云且道照耶用耶

元正上堂日暖風和花紅柳綠新年佛法一切成現
崇福與廢告報新歲君聽得春風影裏點頭何故卓
拄杖云大機圓應

上堂春山青春水綠春雨未晴春風復作春雨春風
共不惡諸人若也會得去雲門露報慈備

佛涅槃上堂以手摩曾當慙慙雙趺出示露肝心二
千年透無人見花笑鳥啼二月春

三月且上堂日暖風和鳥啼花笑不是如來禪亦非
西祖意且道畢竟如何只許老胡知不許老胡會
浴佛上堂指天指地太無端送語傳言泥裏覓謾把
香湯年年洗至今千古累兒孫今日如何為雪屈卓
拄杖一下下座

結夏小叅一毫頭上結制安居十方虛空一時逼塞
若聖若凡情與無情總在裏許逃出無門墮在釋迦

老師影子裏不拘規矩不修練行酒肆茶坊禁足護
生又落七佛之師舊時途轍呼喚不迴羅籠不住要
行便行要住則住活鱗鱗轉轉正是而今衲僧用
底未敢相許且道畢竟如何行履良久云若是鳳凰
兒不向那邊討

復舉梁山和尚有頌示衆云我有一枝拂真棕鐵作
骨顯道嚇蚊虫指南不相屈掃除佛祖病擊破衲僧
寮若是上上人不終喚作物德山聞云梁山好頌話
作兩槩梁山後聞云我當時少子細師拈云二大老
恁麼道意在於何大衆還知落處麼子期與伯牙不
是閑相識

結夏謝衲班上堂衲僧家箇箇眼蓋乾坤人人口吞
佛祖左之右之如龍得水進前退後似虎靠山因甚
麼九十日内無繩自縛卓拄杖云若不入水爭見長
人

謝截主秉拂上堂崇福山頭一片雲一大截教說不
到戒岸池底一滴水天下衲僧看不透看得透說得
到時如何良久云君子可八

中夏上堂一百二十日長期今朝恰過半崇福不舉
舊公案只據現定爲汝諸人通箇消息卓拄杖一下
云六月賣松風人間恐無價

六月半上堂僧問智門祚和尚蓮華未出水時如何

祚云蓮華出水後如何荷葉師頌云蓮華荷葉離泥
水出未出時絕點埃無限清香收不得和風帶雨滿
池開

解夏小叅布袋頭結大地無寸土布袋打開徧思通
活路所以衲僧家摩挲拄杖抖擻鉢囊踏踏仰山禽
田織塵不立壁破鹽官扇子清風有餘有佛趣不得
住脚下泥深三尺無佛趣急走過平地上滑如苔三
千里外逢人莫錯舉早已錯舉了也這箇即且置只
如解制自恣底一句又作麼生卓拄杖云一片白雲
自西自東

復舉菜萁和尚大衆侍立次菜萁云只恁麼平白立

無箇說處一場氣悶時有僧出擬問菜萁云爲衆竭
力便歸方丈師拈云當時纔聞道只恁麼平白立無
箇說處一時散去非但賓主諧和亦乃免見勞他菜
萁爲衆竭力

次日上堂豎起拂子云只這箇是什麼二千年前說
不到十萬里來踏不著今朝解制自恣分明與諸人
看擲下拂子云見之不取思之千里

重陽謝直歲知客侍者上堂叉手而立賓主歷然三
喚三應家裏有人雖然如是還知有汾陽老人一句
子麼卓拄杖一下云重陽九日菊花新

九月半上堂秋葉落秋林脫秋月圓明秋風颭颭祖

意教意一時漏泄德山棒頭短臨濟口門窄因其如是良父云我常於此切

開爐上堂風頭稍硬且歸煖處這裏切忌商量只要應時納祐何故如是擊拂子云覓火和煙得擔泉帶月歸

虛堂忌拈香卅尊三昧迦葉不知迦葉三昧阿難不知先師三昧崇福不知既是彼此不相知因甚麼一年一度炷香作禮嗚啞嗚啞無人知此意令我憶南泉

十月半上堂禪非意相寒月輝輝道絕功動霜風浩浩
法會不會疑不疑墮坑落壑去道轉遠畢竟如何擊

拂子云當頭霜夜月任運落前溪

謝都寺典座洛主上堂趙州一甌茶楊岐栗棘蓬生薑元是辣羹湯無冷處喝一喝云轉喉觸諱

臘八上堂明星夜夜現白雪年年寒宇宙茫茫人無數不知何處見瞿曇大眾要見瞿曇麼良父云吾無隱乎爾

除夜小參年窮歲暮古佛家風當陽顯露臘盡春迴祖師巴鼻觸處現成便恁麼去釋迦不用入雪山達磨不可渡流沙人人鼻直眼橫箇箇頂天履地坐致大平應時納祐三十六旬七十二候技汝不著其如未然寒梅香動舊年枝岸柳拖金新歲葉

復舉僧問趙州如何是不遷義州以手作流水勢其
僧有省師拈云趙州雖是善應來機爭奈費力不少
今夜忽有人問崇福如何是不遷義向他道大盡三
十日小盡二十九

元日上堂昨夜送舊年今朝迎新歲大宰府裏藤三
源四崇福山中露柱燈籠拜底拜賀底賀一一漏泄
我家真機頭頭發輝靈山密旨山僧省得一半氣力
何故擊拂子云花開不假栽培力自有春風管帶伊
因講經上堂卅尊四十九年橫說豎說未曾說一字
崇福三十餘日談玄談妙未曾談一法且道如何是
不談底事卓拄杖一下云三段不同收歸上科

謝進退兩班上堂三脚驢兒獨角麒麟一進一退賓
主歷然梅檀葉葉香風起頂知鑊湯無冷處

結夏小參綠暗紅稀孟夏漸熱等是恁麼時節阿那
箇是圓覺伽藍喫什麼作平等正智所以崇福一衆
八十餘員不守西天影子豈墮東土時機無一絲毫
安居禁足底事崇福也是不敢錯誤諸人一絲毫許
只要各各自行一條活路子風前月下山邊水際任
意遨遊自由自在何故卓拄杖云但有路可上更高
人也行

復舉天平潯和尚行脚時參西院每云莫道會佛法
覓箇舉話底也無一日西院召云從潯平舉頭院云

錯平行兩三步院又云錯平近前院云適來者兩錯是西院錯上座錯平云從漪錯院云錯平休去院云且在這裏過夏待上座商量者兩錯平當時起去後住院謂衆曰我當時被風吹過四明長老處教他連下兩錯更留我商量者兩錯不道那時錯發足南方時早錯了也師拈云天平任麼道轉見敗闕若是當時待他道西院錯上座錯唱一喝便行不惟觀破西院肝膽亦乃免見後人檢責雖然如是崇福今夏切忌商量者兩錯

次日上堂三百餘會不博一笑十萬里來仗窮三拜崇福今日布袋頭一結結定南來北來若聖若凡無

出氣處且道與古人是同是別卓拄杖一下

中夏上堂九夏過半見成公案諸人若也會得一生參學事辨其如未然更有那一半在莫道不言

上堂時節至其理彰桐葉落秋風涼古佛家風都漏泚衲僧門下莫商量何故眼底那容著金屑

中秋上堂八月十五月圓當戶人人有這箇只是用得別長沙踏倒仰山用力太過南泉拂袖歸衆靈龜曳尾且道畢竟如何大衆以立珍重便下座

開爐上堂崇福開爐元未曾開火焰不說法諸佛如何聽不舉無賓主話誰論三界唯心然雖如是須知冷及裏九轉透瓶香

崇禎
上堂舉明招示衆衆纔集招云者裏風頭稍硬且歸
暖處商量便下座衆隨至方丈招便打云纔到暖處
便見瞌睡師拈云明招老漢可惜暗投明珠當時一
衆眼裏無筋隨人上下崇禎即不然者裏風頭稍硬
大衆久立珍重

佛成道上堂明星夜夜現臘雪年年白諸人若也一
見便見一得求得不妨與釋迦老子同見同得其如
未然天上星地下木

除夜小參僧問德山小參不答語意在甚麼處師云
倚天長劔逼人寒僧云趙州小參要答話又作麼生
師云無孔鐵鎚當面擲僧云和尚今夜小參如何爲

人師云你聞也未僧云恁麼則三段不同水歸上科
師云向上著眼看僧便禮拜又有僧問舊歲今宵去
向甚麼處去師云向臘雪堆中去僧云新年明日來
從甚麼處來師云從黃鸝聲裏來僧云還有不涉新
舊底也無師云有僧云如何是不涉新舊底師云金
香爐下鐵崑崙僧云記得感首座問法昌昔日北禪
分歲烹露地白牛和尚今夜分歲有何施設昌云臘
雪連天白春風逼戶寒此意作麼生師云用常住物
作自己用僧云感云大衆如何喫昌云莫嫌冷淡無
滋味一飽能消萬劫飢如何委悉師云喫著者方好
僧云感云是何人置辨昌云無慚愧漢來處也不知

又作麼生師云果然果然僧云古人則且置和尚今夜分歲有何施設師云金剛圈栗棘蓬僧云大眾如何喫師云只恐吞吐不下僧云是何人置辨師云高著眼看僧云和尚與麼施設與古人是同是別師云別是一家風僧禮拜又僧問歲窮年盡禿頭笞箠路傍作舞學人上來請師提唱師云不見怪力亂神僧云只如北禪道烹露地牛燒楮火唱村田樂還端的也無師云也是村裏家風僧云如何是露地牛師云趁不去僧云如何是楮火師云烈焰亘天紅僧云如何是村田樂師云不涉宮商僧便禮拜師乃云天地覆載日月照臨陰陽代謝四序變遷二

十四番花信三十六旬風光一年三百六十日數到臘月三十夜總是我家真機更無絲毫他物然雖如是舊年新歲交頭結尾轉身一句作麼生道擊拂子云看看春風動寒梅遍界香

舉僧到鶴林敲門林云誰僧云行脚僧林云莫道行脚僧佛來也不著僧云既是佛來因甚麼不著林云無汝棲泊處師拈云大小鶴林無佛處稱尊崇福則不然既是佛來因甚麼不著只向他道不會作客勞煩主人

結夏小參青山綠水明月白雲滿眼滿耳無處迴避不是格外玄機亦非世諦流布所以衲僧家意不停

玄眼不掛戶潛行密用佛祖不識東倒西播魔外難
測入林不動草入水不動波終日談而不說一語終
日行而不移寸步如是安居如是禁足始無禁足底
事便恁麼去未出常情且道畢竟如何行履擊拂子
云不是梧桐樹鳳凰擔不棲

復望長慶云物似今日老胡有望家富小兒嬌保福
云惣似今日老胡絕望國清才子貴這箇即且置畢
竟今日事又作麼生良久云分明記取

結夏上堂十五日以前頭頂天脚踏地十五日以後
仰面不見天低頭不見地正當十五日天是天地是
地說甚三月安居九旬禁足何故良久云猛虎不食

伏內

重陽上堂九月九是重陽黃花猶未發野草分外香
見成公案迴絕商量若是眼裏有筋底不妨纔見便
承當其或未然無事上山行一轉

冬至小參葭灰未動全機顯露六爻纔分觀躰成現
衲僧家人人口吞佛祖箇箇眼蓋乾坤有時無陰陽
地胡拋亂撒有時聲色頭邊東倒西播所以崇福尋
常不向聲前句後羅籠兄弟今夜且放下一著別通
一線活路管取普天和氣因甚特地如是卓拄杖云
從前汗馬無人識只要重論蓋代功
復舉僧問巴稜祖意教意是同是別稜云鴨寒下水

鷄寒上樹師拈云而今兄弟十箇有五隻只作同別
會云未曾夢見巴稜肝膽且道巴稜意又作麼生鷄
寒下水鷄寒上樹大衆會麼繡出鴛鴦任君看不把
金針度與人

次日上堂群陰剥盡巖峯依前挿天碧一陽來復礪
泉長時徹底清威音以前盡未來際未曾移易一絲
毫許未曾增減一絲毫許便恁麼去君子道長本不
長小人道消本不消一念萬年萬年一念雖然如是
恁麼說話也是尋常座主底見解且道衲僧門下如
何舉似擊拂子云劫外一壺春更好優曇華綻普天
香

立庫堂上堂飯取香積座借燈王維摩大士費力不
少崇福這裏厨庫已建香飯自成一任人人要喫便
喫一微塵裏現法王刹不妨箇箇要坐則坐雖然如
是承誰恩力擊拂子云明月照無盡清風來未休
上堂岳峯峯頂寺家風元自別莫衆祖師禪各自知
時節霏霏黃梅雨滴滴聲無歇德山與臨濟也是得
一機

臘八上堂夜夜明星流輝人人頂門具眼一見便見
一得永得且道與釋迦老子半夜忽覩明星是同是
別擊拂子云天上星地下木
因謔經上堂中道止止不須說我法妙難思崇福

即不然要說便說要行則行何故如是我法妙難思
卓拄杖一下云三段不同收歸上科

三月旦上堂聲色不到處紅紫競芬芳言詮不及處
黃鸝啼枝上且道是教意耶是祖意耶拈拄杖一下
云軋三連坤六段

上堂三日一雨五日一風風不鳴條雨不破塊崇福
旨得謳歌鼓腹致太平何故佛法不怕爛却

佛生日上堂雨洗群峯添翠色瞿曇面目露堂堂韶
陽正令行不到播土揚塵未肯休崇福隨例也潑一
杓惡水喝一喝

中秋上堂舉盤山云心月孤圓光吞萬象光非照境

境又非存光境俱忘亦是何物師拈云盤山恁麼道
向黑山下作活計崇福則不然光境俱忘只得一極
更須知有全提時節然雖如是那箇是心月卓拄杖
云永山打鼓重峯觀毘

臘八上堂僧問釋迦老師半夜逾城雪山六年一麻
一麥是何心行師云不是苦心人不知僧云正當明
星現時忽然悟去還端的也無師云不因射鵰手爭
知李將軍僧云只如一人發真歸源大地衆生在什
麼處師云大家在這裏僧云釋迦老師顛言倒語道
奇哉一切衆生悉具如來智慧德相既是無風起浪
如何得太平去師云莫謗釋迦老師好僧云恁麼則

切忌不慎當初師云可知始得僧便禮拜

師乃云未登雪嶺雪山雪寒未見明星衆星朗然悟
與未悟時萬里一條鐵

臘月半上堂光陰如箭射今朝臘月半冰生於水冷
於水青出於藍青於藍諸人若會得不妨順時保愛
其如未然待得雪消去自然春到來

結夏小叅嶽峯絕頂峭峻孤危老胡仰望不及古磻
寒泉徹底清冷衲僧觀視無門若向這裏觀得透挨
得入方知仰望不及觀視無門底消息轉身行活路
擺手出那邊一切處禁足一切處護生不問長期短
期豈守寒岸異草雖然如是黑漆拄杖猶未肯在更

說甚殺盡方安居鐵船水上浮費力不少不勞拈出
畢竟崇福九夏如何行履卓拄杖云等閑獨超千聖
外明月清風類不齊

復舉保福因僧侍立福云你得恁麼竈心僧云甚處
是某甲竈心福拈一塊土度與僧云拋向門外著僧
拋向門外再來却問甚處某甲竈心福云我見你築
著磑著所以道竈心師拈云保福一顆明珠付與這
僧可惜這僧不能得受用崇福門下恁是竈心底何
故我見諸人也是築著磑著

次日上堂僧問衲僧家尋常氣宇如玉爲甚今朝無
繩自縛師云不因一事不長一智僧云只如朝到西

天暮歸東土還有禁足底道理也無師云終日行而不動一步僧云如何是鵝護雪臘人冰師云著甚死急僧云如何是鐵彈子師云團團擊不破僧云和尚此間以何為驗師云青山流水僧禮拜
師乃云四月十五布袋頭結盡乾坤大地不漏一絲毫內不放出外不放入正恁麼時轉身一句作麼生道擊拂子云一把柳枝收不得和風搭在玉欄干上堂佛法兩字平地波瀾擊鼓陞堂已傷物義且道崇福門下畢竟如何行履卓拄杖一下云二時粥飯氣力養無事山邊行一轉
因雨上堂三日晴一日雨天平地平河滿井滿崇福

只得有口喫飯何故如是佛法不怕爛却
中夏上堂荷葉團團菱角尖尖衲僧一見便見一得求得雖然如是猶是半提須知有全提時節何故行到水窮處坐着雲起時

解夏小參二千年前靈山會上怛薩阿羯與百萬聖眾結制解制長期短期單明此事二千年後崇福山中小僧細明與八十餘僧三月安居九旬禁足全憑此事西天此土毫髮不移所以道三十年在藥山只明此事今則聖制周圓時臨自恣試問諸禪德那箇是此事驀拈拄杖卓一下云若向這裏會得去初秋夏末東去西去脚頭脚底七穿八穴其如未然前程

逢人不得錯舉

復舉地藏和尚問僧甚麼處來僧云南方截云南方佛法如何僧云商量浩浩地藏云爭似我這裏種田博飯喫僧云爭奈三界何截云喫什麼作三界師拈云地藏阿師只解種田博飯喫佛法夫夢見在崇福恁麼道意在於何今夜暑氣未退且待來日爲汝諸人說破

次日上堂僧問三月安居今已滿九旬公用事如何師云冬瓜直儻侗執子曲灣灣僧云學人恁麼去時如何師云且緩緩僧云昔日馬祖出八十四人善知識箇箇阿漉漉今夏和尚接八十餘韻衲僧有何長

處師云人人頂天履地僧云未到崇福門先知了師云更須子細始得僧云記得仰山語香嚴云如來禪許師兄會相師禪未夢見在此意如何師云言中有響僧云如何是如來禪師云四十餘年說不到僧云如何是祖師禪師云九年面壁觀不破僧云如何是和尚禪師云崑崙巖生鐵僧便禮拜

師乃云杲杲明明如日漫漫黑似漆夜半甚分明天曉還不露衲僧一夏聚頭接耳東觀西觀不透橫咬豎咬咬不破忽然自恣日到來諸人合作麼生崇福未免重下注脚去豎起拂子云看看杲杲明明如日漫漫黑似漆

崇福寺錄終

崇福

卷五

[Faded text in a green-tinted rectangular area, likely bleed-through from the reverse side of the page.]

洛陽萬壽禪寺語錄

侍者

宗心

編

師於嘉元三年七月二十日開堂

拈香云此香靈根生在空劫以前瑞氣盤旋九天之上
藝向爐中恭為祝延

今上皇帝聖躬萬歲萬歲萬萬歲

陛下恭願金輪統御天基永茂四海歸仁萬邦入貢
次拈香云此一瓣香藝向爐中恭為

太上天皇恭願億萬年天清地泰永祚皇壽三才世
時和歲豐咸詞

睿德次拈香云此一瓣香日本聞名太宋知貢乳寶

峯前南屏園裏東喚西喚全無氣息逗到雙徑那畔
五髻峯頭被人覩著薰天炙地歸來扶桑一回拈出
一回新藝向爐中奉為前住太宋徑山興聖萬壽禪
寺先師虛堂和尚大禪師用酬法乳之恩
師遂就座垂語云動絃別曲葉落知秋也是尋常莫
有朕兆未分文彩未彰以前會得底麼僧問建法幢
立宗旨正在此時祝 聖一句請師提唱師云雲淨
日月正進云恁麼則一言以祝南山壽萬國謠謏賀
太平師云風行草偃進云記得梁武帝請傅大士講
經士終陞座打案一下便下座此意如何師云未登
座時經旨既明進云帝愕然又作麼生師云將謂武

帝忘却進云志公云大士講經竟如何理會師云知
音知後更誰知進云今日 聖主請和尚演法有何
祥瑞師云無限清風來未休進云龍吟霧起虎嘯風
生師云誰敢近傍僧禮拜僧又問云釋迦說法多寶
證明和尚今日開堂演法未審說是甚麼法師云法
法本來法進云恁麼則大機圓應大用無方師云一
葉落天下秋進云記得夾山初住院因有僧問如何
是法身山云法身無相此意如何師云錯認定盤星
進云僧問如何是法眼山云法眼無瑕意旨如何師
云學語之流進云時道吾在座下失笑山請益別衆
叅艸子省發未審夾山有什麼見處師云千聞不如

一見進云道吾聞得令僧行問如何是法身山云法
身無相有何優劣師云甜瓜徹蒂甜苦瓠連根苦進
云僧問如何是法眼山云法眼無瑕意在那裏師云
有意氣時添意氣不風流處也風流進云僧還舉似
道吾吾曰者漢此回方徹道吾具甚麼眼目師云鴉
王擇乳素非鴨類進云古人底且置今日有人問如
何是法身和尚作麼生祇對師云秋風吹渭水落葉
滿長安進云恁麼則昔日夾山今日和尚師云切忌
亂針錐僧便禮拜

師乃云目前無法門外車馬鬧浩浩意在目前屋頭
松竹冷青青不是目前法非耳目所到清寥寥白的

的只這些兒得人憎亘古亘今不變易釋迦老子四
十餘年橫說豎說不到達磨祖師十萬里來東觀
西觀觀不破臣僧紹明今日開堂不覺擗眸一觀觀
著無端開口一句說著說著觀著追回太古之風純
樂無爲之化正恁麼時知恩報恩一句作麼生道卓
拄杖一下云四海而今清似鏡三邊誰敢犯封疆臣
僧紹明恭奉 聖旨今日開堂舉揚正法眼截祝延
聖壽無疆人天大會草水叢林情與無情同蒙光輝
共霑 聖恩臣僧紹明下情不勝感激屏營之至
九衲僧家知時知節名爲靈利之漢所以道欲識佛
性義當觀時節因緣一年三百六十一日十二時

辰無虛棄底時節釋迦老子達磨大師皆是應此時
節出來轉大法輪顯大妙用乃至自餘諸大老情與
無情盡是隨時受用故曰時節既至其理自彰若論
佛性義人人雖具天眼也難看箇箇雖備天耳也難
聽雖然如是時節既至其理自彰以眼可見以耳可
聽見聞所及一一皆是本來消息本地風光今日人
天普會若知此時節因緣轉九成聖同在大光明截
三昧之中遊戲

舉太宗皇帝因有僧朝見賜座宣問從何處來僧奏
曰廬山雲庵帝云卧雲深處不朝天為甚麼至這
裏僧無語師云太宗日照天臨無幽不燭當時若問

臣僧卧雲深處不朝天為甚麼至這裏便奏云遠蒙
聖恩管取皇情大悅

八月旦謝兩班上堂雨洗炎暑徧界清涼白露垂珠
欖花疑煙頭頭合轍東西逢原何故如是擊拂云量
才補職

九月旦上堂頭頭是物物是塞鴈過長空蟋蟀吟草
底三賀村田井水一一非他物箇箇歸自己且道以
何為驗卓拄杖云公驗分明

重陽上堂天地同根萬物一體拋大千於方外納須
弥於芥子卷舒在我縱橫得妙尤之右之無是不是
以何為驗擊拂子云重陽九日菊花新

臘月且上堂今朝臘月一那事分明極徧界分外寒
萬里一條鐵

二月且上堂春山疊亂青春水漾虛碧寥寥天地間
獨立望何極山僧住此萬壽恰似雪竇老人東西有
山有水今日不覺擗眸清興太遠在何也如是卓拄
杖一下云四海五湖皇化裏不知何處是封疆

龜山法皇大祥奉 勅就嵯峨殿陞座師拈香云此
香天地覆載日月照臨為瑞為祥為雲為蓋爇向爐
中奉為 禪定法皇恭願心華長開於禪林無盡之
晨玉葉鎮芳於御園萬古之春

師斂衣就座云千聖靈機全歸掌握列祖命脉只在

目前莫有領得此旨底麼僧問金鷄唱曉玉鳳啣花

一句無私請師祝 聖師云天高群象正僧云只將

一句無心法仰祝堯天舜日明師云四海九州雷動

風行僧云昔日梵王請佛說法雨花動地今日

聖主請師說法有何祥瑞師云杲日麗天清風匝地

僧云恁麼則四衆靈恩去也師云闔國咸知僧云前

無釋迦後無弥勒正當恁麼時 禪定法皇在何處

作佛去師云徧界不曾截僧云記得肅宗皇帝問忠

國師如何是十身調御師云檀越踏毗盧頂上行此

意如何師云步步清風起僧云帝云寡人不曾國師

云莫認自己清淨法身又作麼生師云瞥轉玄關去

僧云今日問如何是十身調御和尚如何祇對師云
巍巍堂堂燁燁煌煌僧云優曇曇花綻普天香便禮拜
師云時節難逢

師乃云聲前一句乾坤未剖早漏逗末後一機世界
總分便現成佛祖不傳之妙觸處全彰人天性命之
道當陽顯露輝天鑑地透聲歷代祖師天下衲
僧做盡千般伎倆總不出這影子臣僧紹明今日恭
奉 聖旨高陞此座未免行佛祖未行之令用衲僧
未拈之機驀拈拄杖靠禪牀云且道是何宗旨便見
君臣慶會時清道泰堯天舜日共樂昇平且望
闕酬恩一句作麼生道卓拄杖云但見皇風成一片

不知何處是封疆臣僧紹明恭惟 太上天皇昔日
在靈山會上親受如來記前今日於王會城中扶豎
正宗光贊祖道使山野舉揚宗乘人天大會草木叢
林情與無情均蒙光輝同霑恩澤臣僧紹明下情不
勝感激屏營之至

又云從上佛祖出興於世只據本分一著略露目前
些子如閃電光擊石火相似取得眼來三千里外雖
然如是若論本分斷斷不在言語上所以釋迦老子
摩竭掩室思惟此事藏身露影如天普蓋似地普擎
當時一衆若向這裏一時會去那更四十九年三百
餘會說盡許多葛藤又一日大衆雲集定世尊陞座

不措一言明如杲日徧界不截一衆猶未會在文殊
白槌云諦觀法王法法王法如是不因樵子徑爭到
葛公家後來雪竇明覺大師頌曰列聖叢中作者知
法王法令不如斯會中若有仙陀客何必文殊下一
槌雪竇老漢向世尊未登座時通箇消息恁麼頌出
却較些子有時外道問佛不問有言不問無言世尊
良父外道悟去讚歎云世尊大慈大悲開吾迷雲使
吾得入只這外道也是鈍漢若是世尊未良父以前
悟去免得異道之名何況而今多是向世尊良父處
要會劍去父矣方乃刻舟其如不然又向甚麼處會
去不妨於目前高著眼一見便見一得求得未為分

外世尊既是如是况又祖師門下目前有一條活路
教他一切有情無情同入此中共到大安樂大自在
之地何故如是他家曾踏上頭關
復舉唐太宗皇帝因僧朝見奏曰 陛下還記得也
無將謂皇帝忘却帝云何處相見來日照天臨僧云
自一別靈山直到如今來風可辨帝云以何為驗僧
無語師拈云皇帝天鑑無私這僧無語公驗甚分明
何故既是親對龍顏

巨福山建長禪寺語錄

侍者

克原

編

師於德治二年臘月二十九日入院

山門南來北來從東過西歷遍諸方門戶却向這裏
知歸且道這裏是甚所在喝一喝到者方知

佛殿看看古佛猶在切忌當面諱却便展坐具

土地堂我說法你護法須知心同道同大家齊著力
扶起舊家風

祖師堂諸祖三昧山僧不知山僧三昧諸祖不知既
是不相知因其特地炷香作札彼此出家兒
方丈德山棒臨濟喝這裏一時倚閣擬向甚麼處相

見咩咩且居門外

府帖孩括山川包容天地玉轉珠回為祥為瑞撥揮西來的的意從此拂拂香風起

諸山疏指桑罵柳叢林風義惡詔傷人一團和氣山門疏未舉先領未言先通家裏人說家裏話字字句句皆春風

江湖疏一言道盡頭頭合轍月明四海風清六合

法座向上一路峻崖一機舉步踏著開口說著須彌燈王過這邊著

師陞座拈香云此一瓣香爇向爐中恭為祝延

今上皇帝聖躬萬歲萬歲萬萬歲陛下恭願金輪統

御天基永固四海歸仁萬邦拜手

次拈香云此一瓣香爇向爐中奉為

一品親王征夷大將軍家伏願威鎮三邊德被四海永佐上聖普澤下民

此一瓣香爇向爐中奉為

本寺大檀那最勝園寺殿伏願壽等南山福深北溟柱石皇家金湯佛法

此香爇向爐中奉為

前住大宋徑山興聖萬壽禪寺虛堂和尚大禪師用酬法乳之恩

師斂衣就座云分破太華擘開滄溟當機覲面誰敢

辨明有麼有麼僧問建大法幢轉大法輪四眾臨筵
請師祝 聖師云瑞雪滿地祥雲徧空僧云只如金
銀譚禪怡悅 龍顏與今日勝會是同是引師云無
限清風來未已僧云恁麼則寰中天子勅塞外將軍
令師云一句道著僧問記得闍王請羅山和尚開堂
山陞座斂僧伽梨乃曰珍重便下座意旨如何師云
龍袖拂開全體現僧云闍王近前把手曰靈山一會
何異今日又作麼生師云天鑑無私僧云山曰將謂
是箇俗漢意在那裏師云君臣道合僧云後來白雲
端和尚頌曰紛紛雪影耀闍天闍王欣逢倍樂然一
旦春風吹大地更無一點在階前此意如何師云錦

上添花又一重僧云果是人天大道師便禮拜

師乃云道在目前四面青山磨碧空目前難覩雙澗
泉水湛如藍向這裏會去人人分上壁立萬仞箇箇
面前飛大寶光朝遊夕處賓主歷然佛祖命脉全歸
掌握衲僧已鼻觸目現成直得瑞雪滿地祥雲徧空
正是鰲山成道底時節巨福峯鎌倉縣和氣霽然鷲
嶺消息正在斯時少室家風又見重新正恁麼時畢
竟承誰恩力 卓拄杖一下云 天上有星皆拱北人間
無水不朝東

復舉乳源和尚示眾云西來的的大意不易舉唱時
有僧出源便打云是甚麼時節出頭來師拈云乳源

只要諸人知時知節如此業業這借犯衆而出可惜
未肯全領

嘗晚小叅法無定相遇緣即宗立處皆真隨方作主
所以山僧在帝都建法幢莫非其緣來關東立宗旨
不擇其處直得處處逢原頭頭合轍便見年窮歲暮
破沙盆子掛在壁上臘盡春回大庾嶺上古佛放光
恁麼底時節應時納祐一句作麼生道警拂子云四
海清風已駭蕩十洲月色照人新

復舉瀉山因僧問如何是道山云無心是道僧云學
人不會山云會取不會底僧云如何是不會底山云
只是你不是別人師拈云瀉山恁麼道明投暗合雖

然如是諸人切忌恁麼會何故靈蹤更在猿啼處
正且謝兩班上堂風從虎雲從龍尤之右之無是不
是七穿八穴吉無不利何故卓拄杖花開不假栽培
力自有春風管帶伊

佛涅槃上堂僧問春日熙熙春風浩浩桃腮媚雨柳
眼鎖煙如何是瞿曇真面目師云遍界不曾截僧云
塵塵等是春光裏雙樹因甚有榮枯師云向無榮枯
處看僧云生也不道滅也不道不涉唇吻願聽一句
師云天高東南地傾西北僧云只如道今日即有明
日即無如何體會師云桃花紅李花白僧禮拜又僧
問十方薄伽梵一路涅槃門未審路頭在甚處師云

看脚下僧云乾峯以拄杖劃一劃云在這裏斬師云
路頭分明僧云記得世尊臨入涅槃以手摩脅普告
大衆云汝等諦觀吾紫磨金色之身瞻仰取足莫令
後悔意旨如何師云末後慈歎僧云世尊又云若謂
吾滅度非吾弟子若謂吾不滅度亦非吾弟子畢竟
如何委悉師云平生肝膽向人傾僧云飲光來時更
出雙趺是何心行師云恩大難酬僧云爭奈至今骨
節連皮竅暴露春風百草頭師云狼籍不少僧云和
尚如何蓋覆伊師云一口吞却乾坤向甚麼處摸索
僧云莫有別報恩底句麼師云報恩了也僧便禮拜
師乃云日暖風和萬葆敷榮釋迦老子於此時節百

花叢裏截得渾身雖然如是不覺脚靈直至如今收
不得惱乱春風卒未休

四月且上堂三月春已去九夏今初來建長只得順
時保愛諸人也是自合知節其如未然只見落紅風
掃盡豈知庭樹綠陰深

浴佛上堂母胎未出度人畢也是我家第二機那更
指天復指地無端千古惹閑非過犯弥天如何煎雪
卓拄杖云齊之以禮

結夏小叅僧問西天蠟人爲驗建長門下以何爲驗
師云露柱燈籠僧問未審意旨如何師云照破汝面
門僧又問軋峰和尚示衆云法身有三種病二種光

一一透過始穩坐意旨如何師云蛇入竹筒雲門出
衆云庵內人爲什麼不見庵外事此意如何師云家
裏人說家裏話峯呵呵大笑門云猶是學人疑處峯
云闍黎是甚麼心行此意如何師云彼此要知門云
也要和尚委悉又如何師云果然果然僧云只如軋
峯和尚云法身有三種病二種光一一透得初穩坐
和尚如何祇對師云一二三四五僧禮拜

乃云我宗無語句無一法與人湏知當人分上箇箇
眼蓋乾坤人人舌拄梵天舉足下足無非圓覺伽藍
語默動靜總是平等性智劍樹刀山鑊湯爐炭一切
處安居一切處禁足未爲分外建長與麼告報只要

諸人自行一條活路子其如未然不許夜行投明湏
到

復舉黃檗示衆云汝等諸人盡是噇酒糟漢與麼行
脚何處有今日還知大唐國裏無禪師麼公案師拈
云這老漢敗缺不少且道那裏是他敗缺處諸人若
也勘辨得出非但親見黃檗爲人處亦乃表顯自己
光明

次日上堂衲僧家尋常不慕千聖不重己靈因甚麼
四月十五日墮在釋迦老子二千年前漫天網子裏
動一步子不得擊拂子云犀因翫月文生角象被雷
驚花入牙

謝兩班上堂看看東邊底頂門上杲日當空看看西邊底脚跟下清風匝地一進一退頭正尾正建長悠麼道意在於何良以云量才補職

上堂舉僧問鏡清學人未知源請師方便清云是什麼源僧云其源清云若是其源有何方便師云鏡清與這僧相見且置如何是其源卓拄杖一下云行到水窮處坐着雲起時

七月旦上堂僧問火雲散空秋期待時不涉萬緣如何商量師云曉風吹落葉秋信到梧桐僧云黃龍有三開語還許咨參麼無師云問將來僧云我手何似佛手意旨如何師云散花燒香僧云我脚何似驢脚

大

又如何師云渡水過橋僧云如何是學人生緣處師云趙州東院西又僧問蟬鳴木末蛭吟壁根見成公案迥絕商量不涉唇吻如何通津師云崑崙雷生鐵僧云如何是奪人不奪境師云夜深月孤明僧云如何是奪境不奪人師云花散盡鳥猶來僧云如何是人境兩俱奪師云花散盡鳥不來僧云如何是人境俱不奪師云遇茶喫茶遇飯喫飯僧又問記得陸巨丈夫問南泉弟子家中有一片石有時坐有時卧鐫作得佛麼此意如何師云任你鐫作佛僧云泉云得又如何師云果然果然僧云又問莫不得麼泉云不得又如何師云有時得有時不得僧便禮拜

師乃舉軋峯和尚示衆云舉一不得舉二放過一著
落在第二雲門出衆云昨日有人從天台來今朝却
往南嶽去拈云一人在高高峯頂立一人在深深海
底行鸞劉相逢話盡山雲海月意然雖如是誰是知
音者

解夏小叅長期短期結制解制靈山舊話古佛家風
雖然如是衲僧家不管陳年曆日自有肘後靈符等
閑舉步踏著瞿曇眼睛驀然伸手觸著老胡鼻孔東
西南北迴避無門四維上下在處逢渠頭頭總是生
涯物物無非妙用解結不二與奪自在直饒與麼建
長拄杖猶未放過在何故卓拄杖云日月輪邊氣象

高魚龍沈下盤根固

舉大隋真和尚因僧辭隋問什麼處去僧云峨眉札
普賢去隋豎起拂子云文殊普賢總在者裏僧畫一
圓相拋向背後隋云侍者將一貼茶與者僧去師拈
云大隋豎起拂子者僧打圓相賓主歷然雖然如是
隋云侍者將一貼茶與者僧去且道肯佗不肯他具
眼者試辨取

次日上堂三月安居羶羊掛角九夏自恣猛虎出林
要行便行凜凜神威迥絕羅籠要住則住壁立千仞
誰敢近傍雖然如是以手拍禪牀云總不出者裏
中秋上堂寒山子馬斲箕等是說月建長門下家風

自別別別蝦蟇吞却中秋月

上堂舉雲門大師示衆云乾坤內宇宙間中有一寶
祕在形山師拈云山僧看來此寶非但祕在形山今
朝盡情拈出普施大衆看看擲下拂子云海人知貴
不知價留與人間作夜光

九月旦上堂庭開金菊宿根生來鴈新聞一兩聲昨
夜七峯牽老興千思萬想到天明師拈云五祖老漢
只要人知時及箇諸人還知麼福峯今朝發清興
佛光忌拈香云提起破沙盆滅却正法眼踏翻真如
境抹過圓覺海拶到巨福峯頂直得白浪滔天佛祖
迴避無路衲僧卒難近傍莫謂而今韜光晦跡諱日

斯臨面目全露豎起香云見麼見麼燒一炷香熏他
鼻孔佛光禪師莫恠觸忤

重陽上堂九月九是重陽茱萸疑煙紫黃菊帶露香
不是禪不是道亦非西來祖意畢竟如何花根本艷
開爐上堂豎起拂子云只這火種無人見得龍淵水
底收拾將來冷灰堆中幾回發焰擬欲近傍燎却面
門看時不見暗昏昏地建長爲你諸人吹起看以拂
子吹一吹云各自照顧眉毛

達磨忌上堂未離西竺救迷情東土無人知此意空
向少林覓安心更言携履還歸去咦元不來今何去
寥寥千古清風匝地

大通忌拈香云空劫以前威音那畔早有靈根無人
收得三世諸佛歷代祖師纔得些子氣息敢不囊藏
被蓋競頭出來貴賈賤賣全提半提橫拈倒用一生
拈弄不出今日大通禪師三回諱辰大檀那令山僧
燒一炷香山僧未免分明拈出熏他鼻孔何故如是
同叅面前不敢自謾
次讚五部大乘經師乃陞座云恁麼恁麼三世諸佛
說不到不恁麼不恁麼歷代祖師提不起不恁麼中
却恁麼天下衲僧名狀不出恁麼不恁麼總不得盡
大地人亡鋒結舌便與麼去土曠人稀若向這裏轉
身行活路撒手出那邊便見大地山河草木叢林一

一全躰發機明暗色空見聞覺知頭頭無非真宗所
以道法法不隱截古今常露大截小截從這裏流出
大機大用因此頓發如來禪祖師意向上機末後句
又何處得來住住只許老胡知不許老胡會今日大
通禪師三回諱斯臨諸門弟子請山僧舉揚正法眼
藏殊不知山僧未登座以前法法全彰報恩已畢且
道報恩已畢底一句又作麼生吾無隱乎爾

虛堂忌拈香建長與這老和尚相隨多年面面相覷
眼眼相照所以一年一度燒一炷香點一甕茶不作
楊岐女人拜蘿蔔從來出鎮州

謝新舊兩班上堂進一步則珠走盤退一步則盤走

珠轉轉活鱖全賓全主全是全非因甚如是良
父云彼此出家兒

冬至小叅陰魔殂伏陽氣未生大地平沈渾無縫罅
老胡名狀不出衲僧觀視無門便恁麼去土曠人稀
相逢者少建長今夜放一線道通一針鋒去也卓挂
杖一下云一氣從此潛通萬彙從此發生便見枯木
開花石笋抽條普天和氣徧界如春正恁麼時黑漆
挂杖子又作麼生靠拄杖云等閑靠却禪牀角無限
風光付與誰

舉慈明和尚冬日勝示僧堂前公案拈云若不是人
天眼目難爲辨明雖然如是上書三圓相下書九畫

且道明甚什邊事來日一陽生

十一月半上堂歸宗和尚時有僧辭宗云時寒途中
善爲拄云歸宗年老心孤慙懃送行建長即不然若
有僧辭只向他道去也何故家家門首透長安

臘八上堂僧問臘雪滿寒岡溪梅一朵香底事現成
處請師更舉揚荅云天是天地是地進云記得孝宗
問佛照云雪山六年所成何事照荅云將謂陛下忘
却意旨作麼生荅云天鑑無私進云孝宗龍顏大悅
是得何道理荅云日照天臨進云當時若遇孝宗問
雪山六年所成何事未審和尚如何荅對荅云雪山
雪寒徹骨進云只如世尊未見明星以前在甚處行

履峇云就驚峰山色青更青僧便禮拜

師乃云老瞿曇老瞿曇有來由没巴鼻元不降闍浮
何曾上雪嶺若言見明星悟去承虛接響音將錯就錯
既然如是因甚靈山有密旨良以云參

上堂舉金峰有僧來參峰云吾有一則因緣舉似你
切忌錯會僧作聽勢峰云早錯了也僧拂袖便出峰
云雪上更加霜師拈云高山流水子期能聽之是則
是且道峰云雪上更加霜又作麼生無限清風來未
休

新開昭堂陞座乃云乾坤未剖大塊無象諸佛不出
世祖師不西來人人頂門具眼箇箇皮下有血純樂

無爲之化追回太古之風所以德山云吾宗無語句
無一法與人趙州云佛之一字我不喜聞點檢將來
二老漢只解無佛處稱尊建長即不然一莖草上現
法王刹一微塵裏轉大法輪一切處建立一切處成
就頭頭合轍處處逢原正恁麼時且道承誰恩力卓
拄杖云皇天無親惟德是輔

舉僧問雲門如何是諸佛出身處門云東山水上行
是即是山僧不然梵刹已立今日開堂

師初寓正觀寺佛成道日太守請就府裏拈香云空
劫以前威音那畔早有這箇熏天炙地昔日釋迦老
子纔得此子臭氣四十九年三百餘會直說曲說說

不盡橫拈倒用未已今朝臘月八日落在山僧手裏大檀主一觀觀著直得供養這老子不是報恩并酬德只要徧界香風起

建長禪寺錄終

法語

示三条二品資緒卿

頂門一著古今難為辨明見成公案當頭如何領略直饒未言先領猶是鈍漢未舉先知不是俊流所以道向上一路千聖不傳學者勞形如猿捉影到這裏如何湊泊如何踐履想見吾二品尊閣別有見處請出他一頭地高著眼觀若也忽然一觀觀得破方知道末後一句始到牢關

示玄提禪人

卅尊拈花迦葉微笑金不博金水不洗水自此流代相尋承虛接響一人傳與一人便見從東過西從西

過東禾山打鼓秘庵擊又雪峰輓毬俱低豎指麻三斤栢樹子自餘萬般施設百千作用一摸脫出一串穿却若是本分衲僧誰管他家杓柄長短不傾胡蘆醋越酸只據自家見成自作活計提上人向世尊未曾拈花以前急著眼看看來看去工夫純熟一念相應便見本來面目本地風光那時黃面老子金色頭陀立在下風所以云大丈夫先天地為心祖提上人思之思之

示元冲禪人

從上佛祖出興於世只據本分一著略露目前些子便見敲牀豎拂打地擎叉打鼓輓毬搬土拽石千鈞

之弩不為鼯鼠發機雖然如是冲上人徧歷江湖久遊叢林不管這般陳年曆日只據自家見成活路東行西行如冲天鷄子眨眼便過那邊其如未然生佛未具世界未分以前直下看取二六時中行住坐卧綿綿密密看來看去工夫純熟驀忽一念相應生死心破便見本來面目本地風光一一分明恰如十日并照相似到這田地更須子細何故末後一句始到牢關冲上人相聚一夏忽起他山之興臨行求語信筆書之以塞其請

示空證禪人

佛祖一大事因緣不離日用應緣之中不隔此土他

方之間亘古亘今輝天鑑地所以道塵劫來事只在而今只貴當人具大丈夫氣槩向朕兆未分之時文彩未彰以前猛著精彩看來看去工夫純熟一念相應生死心破忽然明見本來面目本地風光一一分明則與從上佛祖同見同聞同知同用方得不負出家行脚本志空證禪人勉之勉之

示玄安浴主

頂門一著末後一機纔擬尋思白雲萬里直饒望利竿便回見招手橫趨猶是半提未爲全機作略安浴主遍參諸方久在叢林莫守古人途轍直須自行一條活路子東州西州脚頭脚底直下用得去方知頂

門一著輝天鑑地耀古騰今正是自家安身立命處也崇福恁麼道也只是借水獻花不會加一點外料上人思之思之

示玄臺比丘尼

京師玄臺大師慕道之志親切常來請益此段大事因緣予一日示渠云百尺竿頭進步渠云百尺竿頭無進步處予云向無進步處更進千百步方得丹霄獨步徧界全身也渠唯唯微笑而已雖未得領略去不同尋常平地上踈跟底漢今欲歸故都袖香來覓一語予曾做茶陵郁山主贊仍書之云竿頭進步尋常路最苦溪邊喫顛時大地山河載不起虛空含笑

滿驢腮請禪尼時時提起看百尺竿頭如何進步驀
忽時節到來進得這一步子虛空含笑定矣記取記
取

示玄傑禪人

玄傑禪人結夏以前曾來相見問道予云我爲上座
不曾覆藏傑無語去後夏了復來相見云和尚不覆
藏處學人會了予云如何是不覆藏處傑云學人
爲和尚不覆藏予云今日非非想天有幾人退位傑
云不知予云我不覆藏處上座未知在更問麻三斤
栢樹子一切語言予不曾覆藏上座會否云不會予
故云我不覆藏處上座未會在豈不見道世尊有密

語迦葉不覆藏上座若知迦葉不覆藏處便知世尊
密語其如未然船舷未跨以前高著眼看兩岸蘆花
一葉扁舟爲上座覆藏耶不覆藏耶咄傑禪人今歸
故都若相見玄珍法兄只恁麼舉似看臨行袖紙求
語予不加一點外料信筆書之以塞其請而已

示曇翁居士

從上佛祖出興於世只據本分一著事不獲已略露
目前些子如擊石火閃電光相似取得眼來三千里
外若是宿根靈利漢宗師未開口以前早知來由方
堪共語其如未然一念未起文彩未彰之時直下看
取一切時一切處日用應緣之處綿綿密密看來看

去工夫純熟，驀忽時節到來，一念相應，生死心破，明見本來面目。本地風光到，恁麼田地，聞見覺知，明暗色空，一一自家本來消息，更無一點外物，勉強勉旃。豐州曇翁居士慕道之念，深切遠來，崇福問：「日用工夫，用心之處，予未免信筆書之，以塞其請而已。」

示鏡圓上人後住萬壽

臨濟當年辭黃檗，檗云甚處去。濟云不是河南便是河北，檗便打濟，紐住棒，遂與一掌，檗呵呵大笑。喚侍者云：「將百丈先師禪板拂子來。」濟召侍者云：「將火來。」好兒終不使爺錢。檗云：「汝但將去。」已後坐却天下人舌頭。在這老漢憐兒不覺，蓋圓上人相聚岳峰四載。

辨道志念堅確，日用不乱，走作忽起他山之興，來辭崇福上人，雖有索火之機，崇福無可分付。禪板拂子，且道與古人是同是別。若到三家村裏，十字路頭，逢人不得錯舉。

示宗玄禪人

宗玄禪人相從，嚮峯一夏，辨道之念不群。常來請益，大事因緣，予以本分事示之。夏末袖紙來求一語，若是大事，因緣斷斷不在言語上。三世諸佛，橫說豎說，終是說不到。歷代祖師，全提半提，何曾提得起。崇福更是無開口分。禪人若是文彩未彰，以前會得當人頂門上，果日當空，脚跟底清風匝地，崇福恁麼道也。

是借水獻花禪人思之思之

示源朝道人

佛祖大事因緣不離日用應緣之中不隔此土他方
之間所以道大唐國裏未打鼓日本國中曾上堂南
山起雲北山下雨若是宿根靈利底漢未舉早知未
言先領不動步而歷徧於大宋不開口而言滿於天
下句句朝宗法法是令頭頭合轍處處逢源源朝道
人其如未然一念未興文彩未彰以前直下看取二
六時中行住坐卧綿綿密密看來看去履踐純熟工
夫真實薰然時節到來一念相應方知當人頂門上
脚跟底對立萬仞輝大寶光正恁麼時從上佛祖立

在下風大事因緣當甚破草鞋然雖如是更須勉旃
勉旃何故禹力不到處河聲流向西源朝道人渡宋
歸來携紙來求一語崇福未免信筆書之

示玄與禪人

玄與上人又在叢林歷盡江湖來遊崇山相聚三載
看他正是本色道流不同尋常亂走之輩初秋夏未
他山興動携紙來求一語崇福未開口而言滿天下
何須特地求語雖然如是若喚作有語畢竟道箇什
麼上人今歸故都前路逢人不得錯舉

示真證禪人

真證禪人道聚久矣今歸故都臨行懷香來求一語

吾宗無語句無一法與人須知當人分上壁立萬仞
輝大法光所以從上佛祖出興於世只爲諸人證明
此事不加一點外新崇福更是無開口分只貴具天
然氣槩向壁立萬仞處直下全機受用更無第二人
也雖然如是行到葦屋渡頭忽然撞著古帆未掛一
句子切忌錯下名言真證禪人記取記取

法語終

佛祖贊

觀音 六首

圓通境處明秋水活柳眼青更有寒巖翠竹在時
人何事太忙生

巖响响水粼粼圓通境觸處新覲面相逢人不識衆
生何日脫迷津

蓮花常携手獨自立巍巍童子來相訪無言眼似眉
須知合掌低頭外箇事如何說向伊

瀑泉聲冷淡山嶽色幽奇剎剎圓通境善財那得知
幽巖勢嶮巖懸水發清機剎剎圓通境當頭入者稀
雲淡淡水漫漫普門現不相謾咨詢童子未知有空

走百城煙浪寒

文殊

師子騎來呈伎倆無端現出小孩童爭如七佛以前
底明月清風類不同

達磨 五首

梁王殿上没人識楊子江頭折葦航無限風波隨後
起至今東土沸如湯

萬里西來九年面壁雪冷冰寒山青水碧少林消息
尚依然今古不知誰辨的

西來消息會者大難蘆葉風冷江波月寒

鳳凰臺上月魂沈少室峯前絕四隣雪冷冰寒風颭

颭知音不是立庭人

西天大破六宗異東土却來示一心蘆葦樓樓江水
冷至今千古少知音

西山亮座主

分明指示處覲面不相謾兩過西山後嵐光發眼寒
李源訪圓澤

相別又相見情懷自惘然風高月色冷難寫舊因緣
水上快和尚

一點靈光輝天鑑地左之右之無是不是黑漆竹篔
劈面揮凜凜清風徧界起

興聖月谷長老

頭髮鬢鬚雙眼青全提一句得人憎龜毛拂子未曾
動凜凜清風匝地生
直贊

遠州太守頂相

本光靈徹九聖同歸不生不滅絕離絕微架架形相
此此有恰似丹霞選佛機

修理亮殿形質

浮生二十八年事夢破南柯一夜秋雲淨月明風露
冷令人特地恨無休

足妙雲頂相

靈源不昧觸處全真非男非女絕類離倫一段光明

畫不就從教喚作末山人

自贊

觀空禪人請

百無能得人憎描不就畫不成不知這般面目當頭
誰敢辨明

空證禪人請

口吞佛祖眼蓋乾坤水月莫比松柏難論曉一段光
明畫不就寥寥千古鎮長存

玄與禪人請

龜毛拂子覲面全提凜凜神威佛眼難窺世間無限
丹青手五彩如何畫得伊

鏡圓上人請

即此用離此用馬祖一喝百丈耳聾老僧取拂不開
口公案圓成徧界通

宗意禪人請

明歷歷露堂堂沒巴鼻有來由乾坤收不得突出一
毫頭

小佛事

已上座起龕

不重已靈於內無心不求千聖於外何尋遊戲生死
無可不可高起象外迥出古今雖然如是未爲親切
更須知有轉身時節一番雨過一番涼八月秋光何
處熱

觀上座起龕

有正見作正觀觀至無觀非我有全身跳出生死關
且道跳出後如何撒手那邊去寥寥天地寬

光書記鎖龕

光境俱忘聖九路絕照與照者同時寂滅便恁麼去

只得一椀更須知有上頭開把定放行爲汝決光書
記還知麼門背著鐵鎖子添鐵

元上座起龕

混元未辨時無生亦無死直下便知歸迥然絕依倚
雖然如是切忌坐在這裏彈指一聲云元上座聞彈
指聲從三昧起

尊監寺秉火

無佛可尊無道可學塩味本鹹薑性元辣這裏會去
死中得活且道得活後作麼生倒跨楊岐三脚驢烈
焰堆中弄蹄行

太宰府都督少卿禪門秉火

豎起火把云只這箇無變易亘古亘今輝天鑑地所
以太宰少卿禪門柱石國家常佐關東全憑這箇恩
力名播九州德傳四海全憑這箇恩力撫育萬民覆
蔭子孫全憑這箇恩力時節到來出生入死全憑這
箇恩力且道這箇是什麼山僧今日分明說破擲下
火把云會麼大地炎炎一團火

妙慧禪屋下火

真如慧光徧界圓明本來面目觸處現成松風颭颭
澗水泠泠非男非女非心非佛若向者裏會去拔出
生死苦源證得涅槃樂果且道以何爲驗擲下火把
云丙丁童子來求火

左金吾禪門法心秉火

春山絕點埃春水漾虛碧左金吾禪門法心若向這裏領略得去去來不以象動靜不以心不以心則昔日生也未曾生不以象即今時死也未嘗死暮忽象心兩忘瞥尔死生共泯直得鬱鬱青松發本有光輝森森翠竹顯自受用三昧步步是道場處處皆淨邦縱橫得妙卷舒自由便恁麼去時如何擲下火把云嗅煙蓬焯中優曇香韻郁

明靜大師下火

明中有暗暗中有明明暗兩忘動靜俱泯生死夢破九聖路絕非男女相越足聰持便恁麼去一點靈光

輝天鑑地雖然如是末後一句重提掇擲下火把云火裏紅蓮香拂拂

欽上座下火

欽敬諸方善知識多年茫茫向外走回頭踏著鄉關路死却平生偷心去雖然如是死中得活時如何擲下火把云大地炎炎火發須彌也須粉碎

小佛事終

偈頌

泥塑達磨

身心一片如墻壁弄假分明却像真更問西來緣底
事普通年遠幾經春

月巖

靈山指出曹溪話只麼傳來知幾年今日回頭天外
看清光冷照斷崖前

謝空首座送柑子

在東福藏山和尚
書中云洞庭柑

酸者酸兮甘者甘未嘗下口齒先寒舌頭若不具眼
者只作洞庭一棧看

靜齋二首

肯諾俱忘罷問津寥寥四顧少知音無言獨坐蘿窗
下却勝維摩一室深

終日蕭然人不到苔封古砌草離離這般冷淡閑門
戶千聖如何著眼窺

宏峯

巍巍獨立更無齊雨洗風磨勢嶮巖若不出頭天外
看女嶽鳥道許誰知

竹亭

和蘭溪和尚韻

高節虛心歷萬方清風曼玉滿軒涼香嚴昔日不知
有擊著無端錯一場

蘸碧池

一片虛疑徹底清冷涵山影闔寒青當頭領此深深
意萬頃滄波潑眼明

晏如

宇宙空來無一物安然獨坐眼如眉茫茫塵世誰辨
我冷淡生涯只自知

濟翁

苦海中流要度人海深何似此心深年來老大無休
歇鼓棹高歌自賞音

和鐵關病中韻

衆生毛病幾多般因是鐵關常不安縱有文殊來相
訪莫教容易露心肝

上元後雪二首和蘭溪和尚韻

三夜明燈照佛庭天龍呈瑞卒無停
塩花滿地千重玉銀屑翻空萬點星
皓色逼人難著眼寒聲起粟不堪
聽湏知此是豐年事定應寰中分外寧
萬點金燈照殿庭
晨瑞應不曾停飄零玉碎冷修
月暗剪冰花飛似星
少室家風今尚在
盤山公案又重聽
老師高德感如是
天下蒼生賀太寧

巨源二首

滔滔萬派遍天下
流遠方知闊又深
容易難窮雲起
處桃花浪湧武陵春

連天遍地闊無窮
正是曹溪一脉通
流遠方知深沒

底千波萬浪盡朝宗

山上有亭次韻

路遠幽巖腹雲飛四面山
時增丘壑味迴洗世塵艱
白鳥嚙花去遊人尋徑還
誰知披絕頂更有上頭關

竹林鐵關庵

斜曲分明指示人也知
多福老婆心若還把定牢關
去百鳥嚙花無處尋

了如居士做僧次韻三首

心空及第機猶鈍
鈍背生花未作家
爭似如翁今剃髮
與僧同喫一甌茶

此回不累龐公帽
肩搭伽梨共我家
直饒頂門開活

眼要湏更喫趙州茶
自從剗却殿前草一段風流屬作家人問衲衣底下
事當機只點一杯茶

斷雲

卷去舒來片片奇起從何處滅何歸看他兩段元無
間只在太清一點時

看山軒

獨倚危欄到夕陰千峯具在一微塵煙迷霧鎖濛濛
處見得分明有幾人

賀寂庵藏主

瞿曇四十九年說以字非兮八不成今日寂庵重點

出百千妙義一時明

和蒙古國信使趙宣撫韻

有東林遠之語二首

遠公不出虎溪意非是淵明誰賞音欲話箇中消息
子蒲輪何日到雲林
外國高人來日本相逢談笑露真機殊方異域無差
路目擊道存更有誰

送宗簡侍者遊方

三呼三應險關外向上湏知有活機若到諸方參得
徹歸來急急扣巖扉

送心侍者之豐州

老來無力頻三喚一任秋風助發機此去豐城溪畔

看翻空黃葉爲誰飛

和悟藏主韻

住圓覺棧溪和尚

相逢道伴交肩過山自青兮水自清後夜無人知此
意屋頭唯聽野猿驚

送義侍者

國師三喚便三應已墮拈花微笑機口未開時先處
得家那元在洛陽西

次資緒御韻

常思詩人錦繡腸氣如虹色映朝陽此文未喪今猶
在目擊道存意自長

竺翁

西天此土風光別箇事如何說向人口未開時鬢已
雪拈花消息幾經春

石牛

頭尾全彰空劫前不隨群隊自安眠古今徧界難藏
廋兩角峥嵘鼻遶天

隱溪

世上無人來問我山深唯聽礮泉聲一從這裏換得
入獨自枕流看月明

空庵二首

四面寥寥無一物纔存毫髮路難通鳥啼花笑樹橫
外只見三更月到窻

威音那畔家風別不立門庭誰敢通百鳥啼花無香
題月明只在綠蘿中

古山

巍巍峭峻難窮頂雨洗風磨不記年莫謂劫空消息
斷春來花鳥尚依然

送玄悟禪人

敲磬門庭言未盡烏藤拈却問春風衲僧活計又如
是天外不知誰與同

桂堂

秋來群木添蕭索獨有丹根花正開無限清香不
得夜深和月滿空階

花翁

曾在桃源誇上色風光漏泄到人間老來不改紅粉
面誰識心肝如鍊山

敬叟

叉手低頭賓主分從來非礼未曾聞而今老大猶如
是無限幽懷誰與論

題小池

礪泉湛湛色如藍山影水光潑眼寒到此若能親見
底無風颭颭起波瀾

化浴四首

拈來木杓暮頭澆不洗躄兮不洗塵只要惺惺歷歷

去諸方自有賞音人
一滴性空清淨水宣明妙觸十成身而今猶要從頭
洗本地風光轉見新
要見本來真面目大家著力洗將來諸方自有知音
在聽得一時笑眼開
無位真人汗似雨好將消滴一時澆教他歷歷惺惺
去聽得知音笑點頭

栢樹下雪達磨

通身一片似銀山風彩逼人毛骨寒欲問西來端的
意庭前栢樹露心肝

引清軒

三更月照幽窻外松竹青青碧欲流因思祖翁與闕
處至今千古卒難叙

牛溪

昔時巢父臨流颯草自青兮水自清劈箭機前一句
子至今千古轉分明

雪師子

百億毛頭同一色毛前毛後白漫漫當陽突出難辨
處凜凜威風匝地寒

諾庵

一從自辨肯心後驗盡諸方眼底空雲鎖羅窻過客
少幾回獨喚主人公

泥牛

頭角崢嶸鼻遼天春風影裏自安眠直饒瀉老難牧
處闖入海門明月前

西嶠

初祖當年曾踏著分明脚下草離離可憐只這片田
地萬古千秋耕者稀

雪

看看變成銀世界文殊蹤跡卒難尋趙州不在明白
裏誰解此時一片心

和泉石韻

水漱雲根來處異分明源脉出蓬臺磷磷岸石歷台

嶺湛湛金池勝太湖松竹影斜浸碧玉瀑泉聲碎散
真珠遊人到此忘歸路不覺舉頭日欲曛
流泉瀉岸聲無歇一滴曹源知幾深波浪莫言如相
似當頭薦取月光沈

圓通大應國師塔銘

杭州路中天竺天曆萬壽永祚禪寺住持廷俊撰

圓悟之道支而為二一為木慧果一為虎丘隆隆三
傳而為松源岳岳一傳而為蓮菴巖再傳而為虛堂
愚得虛堂之傳而在日東者建長禪寺圓通大應國
師也國師諱紹明字雨浦駿州安部縣人出藤氏幼
事本州建總寺淨辨師學出世法年十五薙髮受具
戒往依建長蘭溪隆公正元間航海至宋編參知識
虛堂愚公主淨慈門庭高峻學者望崖而却師往禮
謁堂曰古帆未掛時如何師云蠅螟眼裏五須彌堂
云掛後如何師云黃河向北流堂云未在更道師云

某甲恁麼和尚又作麼生堂云黃河向北流師云和尚莫謾人好堂云參堂去久而令典賓客日夕咨扣一日使善畫者寫堂壽像請贊堂撥筆書曰紹既明白語不失宗手頭撥弄金圈栗蓬大唐國裏無人會又却乘流過海東時咸淳改元之夏六月也是年秋八月堂奉 詔遷徑山俾師與俱師益策勵一夕於靜定中起大悟呈偈曰忽然心境共忘時大地山河透脫機法王法身全體現時人相對不知堂巡察報衆曰這漢參禪大徹矣自是一衆改觀咸淳三年秋師辭歸日本堂贈以偈曰敲磬門庭細揣摩路頭盡處再經過明明說與庫堂更東海兒孫日轉多復

書其後曰明知客自發明後欲告歸日本尋照知客通首座源長老聚頭語龍峯會裏家私袖紙求法語老僧今年八十三無力思索一偈驢行萬里水程以道珍衛既歸當本國文永四年也建長蘭溪即命典藏教乘拂提唱有十載中華歷徧歸未將佛法掛唇皮無端今夜始開口鐵樹生花正是時之語文永七年秋徙西都出世築以之興德禪寺遂以嗣法書并入院語因堂侍者呈徑山堂得之大喜謂衆曰吾道東矣其爲堂器重如此又明年移太宰府之崇福居三十三年參徒日盛嘉元甲辰奉 詔入京師太上皇召對宮掖問答稱 旨特差住持釐下萬壽

禪寺貴遊問道者車馬日駢集又以東山故址興造
嘉元禪刹延師爲第一祖德洽丁未奉 旨赴關東
留正觀寺而相州太守平崇演請師即畧所演法復
敷奏請主巨福山建長興國禪寺明年春

太上皇降 手詔存問恩禮優至當入寺之夕小參有
曰今年臘月廿九日來無所來明年臘月廿九日去
無所去衆驚訝莫諭其意明年當在樓戊申臘月廿
九日忽示微疾至二鼓手書偈曰詞風罵雨佛祖不
知二機瞥轉閃電猶遲書畢跣趺而逝世壽七十有
四坐六十夏所度弟子宗雲宗憲等十有餘人嗣其
法而分居列刹者興聖忠崇福運南禪車南禪圓萬

壽禪建仁然崇福十萬壽山崇福起崇福津聖福胤
建長什崇福龍龍翔友等若干人奉龕閣維獲設利
無筭事聞

皇上哀慕不已勅謚圓通大應國師仍勅建寺西京
額曰龍翔塔骨石舍利于寺之後山塔曰普光菴曰
祥雲弟子在建長者奉舍利莖之塔曰天源弟子在
崇福者奉舍利建塔菴曰瑞雲他日瑞雲火及半天
忽雨雪火遂滅求所藏舍利塔失所在門人方憂駭
至夜半巖阿發光迹之得焉遠近尤異之至正廿五
年夏四月比丘省吾持其師住築州安國山聖福禪
寺國師之門人宋規所撰行狀來徵言銘師之塔惟

法道之在天下無間乎海之內外也日東諸國佛僧
尤為蕃盛若圓通大應國師之名震海國道契
主上致衆之歸如水赴壑既寂尤著靈異殆古佛馳
願轂而來昭其化也是宜銘銘曰

大荒之內東海東 鯨濤上與銀漢通

別有天地開鴻蒙 君臣禮樂諸夏同

世代綿歷無終窮 故宋太宗歆淳風

尤能傾誠事覺雄 金銀高張釋梵宮

抑有耆碩居其中 空爾雜還來象龍

圓通大應國宗工 佩毗盧印開盲聾

卓行懿德商 淵衷

寵錫異數禮益隆 所至擊鼓橫撞鐘

天人圍繞華雨濛 龍伯顛屨蛟龍充

啓覺茫蠢超凡庸 尅期溘化示有終

獸鬼躑躅涕無從 火餘設利光幢幢

海天不夜貫長虹 宰堵鼎峙海上峯

山君川后謹堂封 虛堂之道光禪叢

亶惟國師劬厥躬 南山峩峩石可攻

勸之于以昭玄功 百世過者宜肅恭

時應安五年歲次壬子冬十二月十五日

西京龍翔禪寺住持法孫比丘宗興命

工入梓

前妙興禪寺住持法孫比丘性守助緣

前真如禪寺住持法孫比丘宗任同助

築州聖福禪寺住持法孫比丘宗越同助

前崇福禪寺住持法孫比丘宗璨同助

投殺人刀秉活人劍
還作家子段方堪任用
苟失其正非唯血指刃
身益且竟驚騰存
出柄欄夕似今覺

興海空殞南浦信之禪
肺心寧揚綱要有如長劍
快馬運轉如風界無維
鐫可容窺測其其取眼
之流豈心棲死千里余

意存空老伯未必有此作
七所謂者已於師方堪
傳更步於其盡天因
の書子亮未叶文永在甲
季の序

本宗國屬末比丘西觀子思

[Faint, illegible text in a light green rectangular box]

楊岐之道四葉而得圓
悟大其門起其宗六葉而
得應庵法益先道益盛
密庵之道亦四葉而得

卷三

虞嘗之道若夫虞之
震浮世如碧潭之瑩秋
月嘗之下葉、有光如宝
葉源公竹田喜公閑極

雲公葛盧曇公靈石
芝公皆有語行於世者日
本南浦明公禪師遊歷巨
宋大叢林叅虛嘗得正

傳歸本國行道今觀其
四會語上堂小叅拈古頌
言法語及貽贈之作如
折旃檀片、皆香伏讀

不忍去手信知得的旨
者迥然殊別也余於日
本宿有緣起故來獲
觀此錄亦不枉東海之

一行也時元德庚午孟
夏結制前五日建長住
山法姪比丘慧俊敬跋



蟪蛄鳴衰五須弥靠
倒覆堂左右維四會
博索熾然說曾無一
字挂唇皮

洪武三年集在庚戌

佛制日

雙徑山主智及拜題



圓通大應國師四秀錄之板
強半雖存多年沈庫底
蒙塵不能出其餘散彼失
此七字覓偶有六蚪書上加
與文則有義遂同至義直歲
集心燒助爆下火自國師之

下十三世江月玩和尚命五刃之繼
之々々金部以置之普光之塔易
曰一陰一陽之謂道繼之者善也
此知繼之者之為天地之大善矣

寬永辛巳孟秋日

遠孫笠澤庵宗







